

# BAHLOMPHEGI, RE

## RATA GO BONA JESU

 A re inamišeng dihlogo tša rena bjale bakeng sa thapelo.

<sup>2</sup> Tate wa rena wa Magodimong, re leboga Wena kudu, bošegong bjo, bakeng sa ditshepišo tše re nago natšo ka go pina ye. Re kgona go no bona mošemane wa bolwetši bja go wa dihwahwa ka go tlaselo yela, tatagwe a etla go kopana le Wena, le go kgopela ge eba O tla ba le kgaogelo. Gomme O rile, “Nka kgona ge o dumela. Dilo tšohle di a kgonega go bona bao ba dumelago.”

<sup>3</sup> O tshepišitše gore O ka se tsoge wa re tlogela goba go re lahla. Lengwalo le re O a swana maabane, lehono, le go ya go ile. Gomme O no ba go rata, bošegong bjo, go fodiša malwetši a rena bjalo ka ge O bile nako yela, ka gore O a swana. Gomme O tshepišitše ka go Lentšu la Gago gore dilo tše O di dirilego, re tla di dira le rena. Yeo ke tshepišo ya Gago, gomme re a tseba gore ke therešo.

<sup>4</sup> Ka fao a nke ditshepišo tšohle tše kgolo tše, Morena, di phethagatšwe go bana ba Gago bošegong bjo, gore yo mongwe le yo mongwe a amogele se ba se tlelago. Gomme ge tirelo e tla tswalela mantšiboa a, gomme re eya magaeng a rena a go fapana, a nke re bolele magareng ga rena bjalo ka bale ba bego ba etšwa Emause letšatši lela. O ile wa sepela le bona letšatši lohle, gomme ga se ba Go tsebe. Eupša bošegong bjoo, ge O ba hweditše ba nnoši ka kamoreng, O dirile se sengwe feela boka O dirile pele ga papolo, se sengwe se go sego yo motee gape a se dirilego feela ka tsela yela. Gomme ba lemogile ka se seo O se dirilego, gore O be o le Kriste yo a tsogilego. Gomme ba rile, “A dipelo tša rena ga tša swa ka gare ga rena ge A be a bolela le rena tseleng?”

<sup>5</sup> Re a rapela gore O tla bowa go rena, bošegong bjo, Morena. Feela batho ba ba sego nene ba, eupša O rile, “Ge ba babedi goba ba bararo ba kgobokane Leineng la Ka, Ke tla ba magareng ga bona.” Yeo ke tshepišo ya Gago, Morena, gomme re e dumela go ba therešo. Re letile bjale, Leineng la Morena Jesu, bakeng sa tiišetšo ya Lentšu la Gago. Amene.

Le ka dula.

[Ngwanešu o fa seprofeto—Mor.]

<sup>6</sup> Amene. A go lebogwe Tate wa rena wa Legodimong bakeng sa tutuetšo yela ye kgolo. Ka fao e swanetšego go re dira re ikwele, pele tirelo e thoma, O re file tshepišo ka moya wa seprofeto, gore re tla Mmona magareng ga rena ka fa. Bjale, a go

bjalo? Ka kgonthe go bjalo. E tšwa go Modimo. Eng kapa eng ye e tšwago go Modimo ka mehla e a rereša. A go šegofatšwe Leina la Morena.

7 Ke leboga kudu go pheleng mo nakong yeo ge Moya wa Modimo o le magareng ga batho ba Gagwe, o biletša ntle, o aroganya Kereke go tšeela gae, bakeng sa mašalela ao a tla tlogelwago lefaseng ge A etla, go amogelwa godimo ka Magodimong. Ke leboga kudu bakeng sa yona.

8 Oo, ye ke iri ye kgolo. Ke—ke thakgetše kudu go be ke phela fa. Le a tseba, Moshe o be a ka rata go be a phetše ka go nako ye. Baapostola bohle ba ka be ba ratile go be ba phela mo nakong ye. Gomme ke rena ba, re phela ka go nako ye, le go phela ka tlase ga menyetla ya rena. Kafafo Modimo a nyakago go šegofatša batho ba Gagwe.

9 Bjale, le a tseba, re boditšwe gore letšatši ge Morena a etla, e tla ba mohuta wa go se letelwe, gomme kereke e tla be e fola. Gomme ke sa tšwa go fetša, ka tabarenekeleng ya ka ka gae, ka ma—ma mabaka a šupa a kereke a mafelelo. Gomme e tšwela ntle . . . e godimo ga theipi bjale, gomme e, ke tšere lebaka le lengwe le le lengwe la kereke, bošego bjo bongwe le bjo bongwe, ke dirile *Mabaka A Šupago A Kereke*, tše šupago tša mafelelo . . . dihlo makerese, le batseta ba šupago ba mabaka a kereke le . . .

10 Nna, go bohle . . . Ga ke moreri kudu, eupša tšohle tšeo ke . . . matsapa a mangwe le a mangwe ke a beago pele go Morena ka go bophelo bjohle bja ka, ga ke dumele e kile ya ba maatla bjalo ka ge ao a bile.

11 Ka gore ka pela ge ke etla tlase, le go se tsebe ke eng go thala mabaka a a kereke godimo ga letlapantsho, go bontšha feela ke bontši gakaakang bja Moya wo Mokgethwa o tlogo ka go Lebaka la Kereke ya Efeso, morago go theogela go Simirina, le Peregamo, le Thiathira, le go ya pele ntle, gomme ge Morongwa yola wa Morena, Seetša sela, Se tlile thwi ka gare pele ga batho ba makgolotharo, se sepeletše Sonamong thwi godimo ga leboto, gomme se thadilwe le Seetša sela sa nkgokolo, feela ka tsela ye ke thadilego dikereke, le go bontšha tloga mabotebo a go swana le se sengwe le se sengwe, ge se ile go kgabola, mola batho ba makgolotharo ba goelela, le go lla, le go Se lebelela ka lehlakoreng la leboto. Gobaneng, Se eme ntle mo, le go iponagatša Sonamong godimo ga leboto le go dira selo sa go swana.

12 Gomme ba na le sona se thadilwe bjale, ka diswantšhong, gomme se eme ka tabarenekeleng. Mna. Arganbright, ngwanešu wa rena yo bohlokwa morategi, o sa tšo tloga fale, le go ya godimo go se lebelela, moo se bego se le lebotong.

13 Re no phela ka go nako ye kgolo kudu. Eupša ke a boifa gore ga re . . . swanetše go itšipa renabeng nthathana gannyane le go šikinya gannyane nthathana go hwetša feela moo re lego.

14 Ka mehla ke be ke bolela, le go dira tshwayo ye: ke hwetša magoro a mabedi a batho ge ke eta lefaseng. Yeo ke Pentecostal bakeng sa le letee, le bomotheo bakeng sa le lengwe.

15 Bjale, batho ba motheo ka maemo ba tseba se ba lego ka go Kriste ka tshepišo ya Beibele, eupša ga se ba amogela Moya wo Mokgethwa go tseba ke bona bomang, goba, ba be le tumelo. Bjale, batho ba Pentecostal ba amogetše Moya wo Mokgethwa, eupša ga ba tsebe ke bona bomang. Le a bona? Kafao go no swana le monna o na le tšhelete ka pankeng, gomme ga a tsebe mokgwa wa go ngwala tšheke; yo mongwe o kgona go ngwala tšheke, gomme ga a na le tšhelete ka pankeng.

16 Bjale, ge le ka kgona go hwetša bale ba babedi mmogo! Ge batho ba Pentecostal ba ka kgona go dudišega bonabeng! Bjalo ka ge ke boletše bošegong bja go feta (ka therešo ke dumela se ka pelo ya ka yohle.), kereke ya Pentecostal e be e le seemong se sekaonana . . . Ke—ke be ke se modiredi ka matšatšing ao, gomme ga ke nagane gore ke be ke le, go molaleng gore ke be ke se lefaseng ka matšatšing ao. Eupša dikopano tša kgale tša Azusa Street tše le bolelago kudu ka tšona, gomme ke badile dipuku tša tšona, kereke ya pele ya Pentecostal, mengwaga ye masometharo goba masomenne morago, e be e le seemong se sekaonana bakeng sa go tla ga Morena go feta ba le gonabjale. Ka kgonthe ba be ba le Bakriste thwi ba boithobo kudu, gomme ba e phetše. Ba e dumetše.

17 Bjale, re *ipeakantše ka magoro* renabeng, gomme re na le mekgatlo ya rena le dikerekemaina tša rena tše di emego ka legorong. Gomme re na le ditlogolwana ka gare tše di tšeetšwego ka gare ka peo le go ya pele. Ga re ne mothalo wa kgale wa Mapentecostal woo o bego o fela o ehwa gomme ka kgonthe o etla go kgabola le Modimo, tumelo yela ya kgonthe ya mmapale. Ba nno kgopela Modimo, gomme ba ba tloditše ka oli, gomme ba ile pele le go fola.

Lehono Modimo a ka kgona go tla fase le go ipontšha Yenamong ka mohlolo, thwi magareng ga batho le se sengwe le se sengwe, gomme, ba no re, “Gabotse, ke a thanka seo se be se le gabotse kudu.”

18 Le bile le thuto ye ntši kudu, le lebeletše seetša se seswa. Seo ke se Efa a bego a se lebeletše ge a hweditše mahlo a gagwe a timilwe. Le a bona, nnong go ya morago go Beibele le go dula thwi le motlwae wa kgale. Le se ke la tlogela tsela yela ya kgale ya lerato la pele, le selo sa pele se se tlogo go lena. Phelang ka Moya wo Mokgethwa. Le se ke la fapogela go mantladima tsoko a mangwe. Dulang thwi le Modimo, thwi ka go Lentšu la Gagwe. Gomme Moya wo Mokgethwa o ka se tsoge wa go dira o dire e ka ba eng e lego kgahlanong le Lentšu le. O tla dula thwi ka go Lentšu, gobane le—le Lentšu ke Modimo.

<sup>19</sup> Bošegong bja go feta ke be ke bolela ka thuto ya *Ditetelo*, gomme bošegong bjo, ke be ke eya go rapelela balwetši. Bjale, ka go karolo ye e tlogo, go latela, gosasa bošego go thoma, re nyaka go thoma ka Molaetša wa mohuta wa boebangedi, mohlomongwe *Go Tla Ga Morena, Leswao La Sebata, Leswao La Modimo, Dikete Tše Lekgolo Masomenne nne, Banamedi ba Bane ba Pere Ba Dikutollo*. Gobaneng, ke a dumela melaetša yeo ke ye re swanetšego go e iša go batho, go ba tsoša, go ba šišinya, go ba laetša gore re. . . Ke bone dipoelo tše kgolo ka go *Mabaka A Šupago A Kereke*. Ke tla ya go kgabola seo gape, ge ke naganne e tla thuša fa. Ka fao gore. . . Modimo o e šegofaditše.

<sup>20</sup> Bjale, a nke ke sebotše batho, gape le gape: Le se ke la letela go šikinya ga mafelelo ga Modimo ka Kerekeng go ba selo sa tšekelele. Ga go ye go ba. Ke go Kereke. Ke dilo tše kgolo tše di tla diregago ka batho ka bonnyaneng bjo bonnyane. Seo ke sehlopha se sennyane seo Modimo a se šikinyago go ba komana, go ya. Bona ba ile golebjalo. Le a bona? Bjale, seo ke Lengwalo le Beibele.

<sup>21</sup> E sego telele go fetile modiša wa toropokgolo ye e itšego ye kgolo o tlile go nna, gomme o rile, “Gabotse, ke a tšofala.” O rile, “Ke bile mo mengwaga ye masomepedi le metšo, gomme re bile le tše dingwe tša kopano ye maatla kudukudu.” Ke Chicago, ke Mattsson-Boze.

<sup>22</sup> O rile, “Ke hlologetše, Ngwanešu Branham, le go tla mo le go ba le seprofeto go tšwa go Morena ge nka tla mo, ke tla bona seatla se maatla sa Modimo se šikinya lefelo le pele ga nako go tloga.”

<sup>23</sup> Ke rile, “Ngwanešu Joseph, ka potego,” ke rile, “o moithutamodimo yo mogolo, gomme o monna yo mogolo wa. . . Ngaka ya Bokgethwa. Ga go pelaelo ka seo. Nka se kgone go e kgwatha.” Eupša ke rile, “Eupša ngwanešu wa ka yo bohlokwa, o ne tlhatho tsoko ya semoya ya go fokola.”

<sup>24</sup> Fao ke mo kereke e e fošago lehono, ke tlhatho yela ya semoya go bona se Modimo a se dirago. Gomme ba lebelela kgole godimo ga ntlhora bakeng sa se sengwe fa seo se kgatlampanago thwi fa, gomme se tla be se go fetile pele o se tseba.

A Jesu ga se a bolela ka Johane. . . ? Barutiwa ba rile, “Gobaneng bamangwalo ba re Eliase o swanetše go tla pele?”

<sup>25</sup> O rile, “O šetše a tlile gomme ga se ba ke ba mo tsebe.” Yeo ke yona. Ga se nke ba ke ba tseba Eliya o be a le moprofeta, ka kgonthe, eupša feela Kereke. Ba ka be ba se ba mo swara, ba ka be ba se ba mmitša “hlogo ya lefatla,” le go tšwelapele ka mokgwa woo. Ba be ba sa e tsebe.

<sup>26</sup> Ba be ba sa tsebe gore Johane ka kgonthe ka therešo o be a le moprofeta wa Modimo. Ba naganne o be a le monna wa segafa ntle fale ka lešokeng, a leka go nweletša batho ka meetseng. Eupša ga se nke a ke a ya ka ditoropongkgolo le dilo. O dutše

ntle ka lešokeng, learogi, moswananoši. Gomme ba naganne o be a le lehlanya, ka tsela ye a bego a apere. Eupša Kereke, ye e bitšwago Kereke, yeo e bileditšwego go bona seo, ba lemogile thwi ka pela gore o be a le moprofeta.

<sup>27</sup> Ba be ba sa tsebe Jesu o be a le Morwa wa Modimo go fihla A hwile, le go bolokwa, le go tsoga gape. Bontši bja bona ga ba e tsebe le bjale lehono. Ke therešo. Ga se nke ba ke ba tseba, ba . . .

<sup>28</sup> Kereke ya Katoliki ga se nke ya amogela Mokgethwa Patrick. Dikolo tša gagwe di be di le ka Leboa la Ireland. O gwabetše dipišopo tša Katoliki, gomme bjale ba mo dira mokgethwa. Gobaneng, kereke ya Katoliki e tshumile Joan wa Arc, a lla mo koteng, gobane ba rile o be a le moloi. Mosetsana o bone dipono. O be a le mohlanka wa Modimo. E ka ba mengwaga ye leggolo moragwana ba e lemogile, morago ga ge a hwile le go bolokwa. Kafao ba sokologile, ba epolotše mmele wa baprista bale ba mmolailego, ba ba lahletše ka nokeng.

<sup>29</sup> Ga ba tsoge ba e tseba go fihla e fetile, gomme Moya wo Mokgethwa o fa Kereke pitšo ya yona ya mafelelo bjale, le go dira tlwa se Beibele e rilego e tla se dira, gomme batho ba Pentecostal ba phiphila ka godimo ga ntlhora ya yona, ba šeditše se sengwe. Oo, nna. Le se ke la dira seo, hle.

<sup>30</sup> Theetšang. Ge re letetše Kriste go tla . . . A le dumela seo? Gabotse, ge re e dira, a re itshwareng boka yona. Re ka letela Kriste bjang go tla, le go bea ditolaro tše milione tše tshela ka moagong? O hwetša bjang dilo tše kgolo bogolo tše, o bolela ka Kriste a etla? Gobaneng, ngwanešu, re swanetše, go ba, go lokišetša Tlhatlogo, e sego ngwaga wo mongwe wo makgolotlhanano go dula mo lefaseng. Le a bona?

<sup>31</sup> Fao go na le selo se sengwe se fošagetše. E no se bine ka mokgwa wo mongwe. Ga e—ga e dire kgopolo go nna. Ka dikenywa tša bona . . . O ka no e bolela ka dipounama tša gago, eupša ka pelo ya gago. Le a bona?

O re, “Oo, ya, ke a dumela Kriste o etla.” Eupša tiro ya gago e netefatša go fapana.

<sup>32</sup> Go ka reng ge monna a boditše mosadimogatša wa gagwe o be a mo rata gomme ka gona a tšhaba le mosadi yo mongwe. Le a bona? Ditiro di bolela kutšwana go feta mantšu. Yeo ke nnete. Ga go kgathale se re se bolelago ka dipounama tša rena, ditiro tša rena di netefatša se ka kgonthe se lego ka pelong ya rena. Seo ke se Jesu a se boletšego: “Baikaketši, le ka kgona bjang go bolela dilo tše botse? ka gore molomo o bolela go tšwa go botlalo bja pelo,” Le a bona? Gomme ge e se yona, gona ke boikaketši. Kafao le bona moo Modimo a tla re beago? Feela ka go Lebaka lela la Kereke ya Laodikia, bolelo, a bolela go tšwa dipounameng tša gagwe, eupša pelo ya gagwe e kgole.

<sup>33</sup> O Modimo, a re fothele selo seo morago. A re yeng fase go Modimo. A re yeng fase go Lengwalo gomme re ye fase fale

go fihla ka kgonthe re hwetša Pentecost morago ka pelong ya motho, e sego morago ka go mokgatlo, eupša morago ka pelong ya batho ka go mekgatlo. Le a bona? Seo ke se re swanetšego go se dira. Kafa Modimo re thuše beke ye go e dira.

Ke a rapela, go ikona, ke letile Modimo. Ke nyaka go dira karolo ya ka ge ke sa le mo ka California. O dira karolo ya gago. Tšwela ntle gomme o tsenye batho ka gare.

<sup>34</sup> Modimo o dira dilo tše kgolwane lehono go feta di kilego tša tsebja ge e sa le Jesu Kriste a be a le lefaseng. Yeo ke nnete. Gomme e ya thwi bokagodimo ga ntlhora ya hlogo ya batho, gomme ba foša go e bona. Yeo ke karolo ye mpe.

<sup>35</sup> Ge feela ba ka be ba e tsebile, boka Jesu a boletše—boletše ka ga le—le . . . o rile, “Ge feela o ka be o tsebile letšatši la gago, ge feela o ka be o le tsebile! Jerusalema, Jerusalema, ke gakaakang Nkabego ke go alametše, bjalo ka kgogotshadi e dira matswana a yona, eupša ga se o nyake. Ge feela le ka be le tsebile letšatši la lena, ketelo ya lena!”

<sup>36</sup> Ke ka tsela ye go lego lehono. Ka mehla go bile; ke seo se lego bjale. Ge feela re ka be re tsebile letšatši la ketelo. Eupša ketelo e ya thwi go kgabola, gomme batho ba lebeletše kgole godimo *fa* bakeng sa *se sengwe gape*. Gomme selo sa pele le a tseba, ketelo e fedile, gomme yona šele.

<sup>37</sup> Eupša bjalo ka ge A rile, “Ga go motho a ka tlogo go Nna ntle le ge Tate wa Ka a mo gogile pele. Bohle Tate a Mphilego ba tla tla go Nna.” Amene. Oo, seo ke se se re dirago . . .

<sup>38</sup> Bjale, re rata go bolela le batho moo re ka ba dirago go ikwela gabotse ka kgonthe. Eupša selo se sekaonekaone go dira, ge go na le—go na le se sengwe sa phošo, a re ntšhetšeng seo ka ntle ga tsela pele. A re išeng selo fase go motheo. Le a bona?

<sup>39</sup> Moisa o rile go nna e se kgale botelele, modiredi wa go tsebega gabotse, yo mongwe wa ba bakaonekaone mo lefaseng, o rile, “Ngwanešu Branham, o dira phošo ye ntši kudu.”

Ke rile, “Ntshwarele, ngwanešu wa ka, mpotše moo e lego.”

<sup>40</sup> O rile, “O ripa batho thata kudu,” o rile, “wena o, mohlala, ka mehla o—o kgakgamolla ba—ba basadi ntle ka tsela ye ba aparago, gomme ka mehla o rathaganya *se le sela*.” O rile, “Bokaonana o tlogele seo. O tla senya bodiredi bja gago.”

<sup>41</sup> Ke rile, “Nako le nako ge Lentšu la Modimo le senya bodiredi bja ka, Modimo, o bo sentše thwi ka pela, gobane ke—ke nyaka bo senywe.” Yeo—yeo ke nnete. Ke nyaka go fa se sengwe seo se lokilego. Lentšu la Modimo le ruta seo.

<sup>42</sup> Gomme ke re, “Modimo re fe sebate, le banna ba ba tla emelago therešo, go sa kgathale se se tlogo goba se sepelago.” Seo ke se re se hlokago. Ebangedi ga se se sengwe sa nkatshadi; Ebangedi ke ya banna, ba ba biditšwego ke Modimo.

43 Ga o tsoge wa ahlola monna ka gore diatla tša gagwe ke tše kgolo bjang, le gore magetla a gagwe ke phaphathi bjang. Ke ba kwa ba re, “Oo, a ga se monna.” Ke bone banna ba ba bego ba imela diponto tše makgolopedi, ba be ba se ne ontshe ya monna ka go yena. Yeo ke nnete. Ga o ele monna ka bogolo bja gagwe. Yoo ke phoofolo. O mo ela ka semelo sa gagwe. Ga se gwa ke gwa tsoge gwa ba semelo se segolwane sa Monna go feta Jesu Kriste.

44 Mmele wo mogolo, moula ke wo mokotwana go feta monna e ka ba mang, kafao o ka se kgone, goba tlou, kafao, o . . . seo ke phoofolo. Eupša monna ga se o ne digoba tše kgolo bjang. Ga ke mo ele ka seo, eupša ka fao mekotla e lego matolong a marokgo a gagwe, moo a bego a rapela. Yoo ke monna yo a swanetšego go elwa: semelo.

45 Jesu o be a le Monna yo monnyane, Moisa yo monnyane, ka kgonagalo magetla a go kobega. Ka mengwaga ye masometharo ka bokgale, O be a lebega masometlhano, Beibele e boletše. Eupša ga se gwa ke gwa ba monna lefaseng wa go swana le Yena, gomme a ka se tsoge a ba. O—O . . . Beibele e rile, “Go be go se botse go Yena bjo—bjo re bego re ka bo kganyoga go Yena. Ge re Mmone re utile, bjalo ka ge go bile, sefahlego sa rena go tloga go Yena,” le tšohle boka tšeo.

46 Eupša go le bjalo, go kgahlile Modimo go—go Mo itia. Gomme O ile a itiwa, a rathwa, le go hlokofatšwa. O rwele dikarogo tša rena, o tlapirigantšwe ka baka la makgopo a rena, gomme ka megogoma ya Gagwe re fodišitšwe. Oo, e swanetše go ba kgogedi go batho. Ka kgonthe e swanetše. E swanetše go hudua pelo.

47 Eupša le a tseba bothata ke eng? Re tlošitše kopano ya thapelo ya Laboraro bošego, gomme ra bea ka gare lenaneo la thelebišene le le dibago batho bohle ba tlošwa bodutu. “Gomme mo pelo e lego, mahumo a gona, fao pelo le yona e gona.” Gomme ke eng e dirago batho go nyaka go ya go dilo tša lefase? Gabotse, ke . . . Le a tseba, lebaka le le dirago seo? Ke . . . Lebaka le batho ba dirago seo? Ke eng e dirago monna go nyaka go tagwa? Ke eng e dirago batho go nyaka go dira ka tsela ye ba dirago? Lefase. Motho o tla dulela eng gae ka Laboraro bošego go tloga kopanong ya thapelo, go bogela lenaneo le le itšego la thelebišene, ba be ba tla direla eng seo?

48 Ke ka baka la gore go na le selo se sengwe ka go bona se se kganyogago go kgotsofatšwa. Ba nyaka . . . Go na le lefelo le lennyane ka pelong ya monna goba pelong ya mosadi, gomme Modimo o itiretše lefelo leo Yenamong. O ka leka bjang go tšea dilo tša lefase le go di bea ka kua moo Modimo a itiretšego Yenamong go dula fao.

49 Modimo ke thabo ya rena. Modimo ke boipshino bja rena. Modimo ke kgotsofalo ya rena. Ke moo e lego ya gona, ka *fa*;

dumelela Modimo ka gare, gomme ka gona dilo tše dingwe di hwile kudu, ebile ga o sa tshwenyega ka selo ka tšona gape.

<sup>50</sup> Oo, batho ke ba bodumedi kudu, ka mehla ba bile. Bjalo ka ge ke rerile bošego bjo bongwe godimo kua, tsošeletšo ka mehla e tšweletša mafahla, boka Esau le Jakobo: motho wa lefase, le motho yoo a kganyogago tokelotswalo. Le a bona? Ka mehla e, tsošeletšo ye nngwe le ye nngwe e tšweletšago seo.

<sup>51</sup> Letšatši le la moragorago, tsošeletšo e dirile selo sa go swana. Ke therešo. Kafao a re yeng ka lehlakoreng la Jakobo, yena yo a yago go tšea bohwa, yena yo a yago ka nageng ya tshepišo. Gomme re ka se kgone go kgotsofala feela ka go ya kerekeng le go bea leina la rena godimo ga puku. Ge re dira, go na le se sengwe sa phošo. A re tšwelengpele re namelela godingwana le godingwana, go fihla re fihla nageng yela ya tshepišo.

<sup>52</sup> Ke be ke rera letšatši le lengwe khonferenseng ya Banna ba Kgwebo ba Bakriste ka Phoenix, Arizona, fale ka—ka kamoreng ya kgwele, ke rile, “Bonnyane Israele e be e sa kgone go tsoge ya nagana, ge ba be ba goelela le go bina ka Moya, le Miriamo ka thamporini ka morago ga ge ba tsholetše mošola wa Lewatle la go Hwa, gomme ba bone bagapeletši ba hwile ka morago ga bona, ba be ba sa nagane ba be ba le mengwaga ye masomenne kgole go tloga go naga ya tshepišo.” Ba be ba sa kgone go dumela seo. Ba be ba le feela e ka ba matšatši a mane kgole.

<sup>53</sup> Eupša ba ile ba swanela go ba le, le a tseba, ba ile ba swanela go ya godimo go Ekisodo 19 le go dira phošo ya bona ye kgolokgolo ba kilego ba e dira: ba ile ba swanela go ya godimo le go hwetša molao, gore ba kgone go nganga le go kगतlofatša, le go tliša bonabeng mmogo.

<sup>54</sup> Mogau o be o ba file moprofeta. Mogau o be o ba file kwana. Mogau o be o ba file mehlolo. Mogau o be o ba file tsošeletšo ye kgolokgolo ba kilego ba ba le yona. Mogau o be o ba file dilo tše tšohle, gomme efela ba hlologetše molao.

<sup>55</sup> Fao ke tlwa moo botatawešo ba emego ka Pentecost e ka ba mengwaga ye masomenne ya go feta. Mogau o be o file. Bohle ba be ba le kwanong e tee. Ye nngwe le ye nngwe. . . Pentecost e be e le Pentecost. Eupša ba be ba ka se kgone go kgotsofala, seo. Ba ile ba swanela go ba kगतlofatša legoroe le le bitšwago Assemblies of God. Aowa, ba ile ba swanela go ba hweletša le lengwe: Church of God, Foursquare, Oneness, Twoness, Threeness, Fourness. Gomme o be o dutše thwi fao lebaka la mengwaga ye masomenne. Modimo eba le kgaogelo. Re hloka. . .

<sup>56</sup> Gabotse, ba dutše fale go fihla bona batho bohle ka mohuta wola wa monagano ba hwile. Ka gona letšatši le lengwe, Joshua o tsogile, a bea matsogo a gagwe go ba dikologa bohle, gomme Modimo o rile, “O bile godimo ga thaba ye botelele go lekanela. Bjale, a re yeng leboa, re tla tshelela mošola, ra tšea tshepišo.”



57 Modimo a ka tšea Mabaptist, goba Mamethodist, goba e ka ba eng A nyakago. Eupša yo mongwe o ya mošola. Yeo ke nnete. Gomme ge feela re sa hwetša dikgopolo tša rena tša maemo le go dula tikologong gore re . . . Oo, le tla dula thwi fao. Seo e no ba tlwa.

58 Oo, a re tsogeng. A re tšweleng ka ntle ga yona. Nna, itšhikinyeng lenabeng gomme le lemoga Modimo o sa le Modimo, ke Yena, o swanetše go dula, ge A kile a ba Modimo, O sa le Modimo. Yena ga a fetogele go ditsela tša rena. Re na le, go fetolela ditsela tša rena go ya go ditsela tša Gagwe. Oo, ebile ke be ke sa nyake go bolela seo. Ke nno . . .

Ke—ke tla bala Lengwalo le lengwe bjale. Go lokile. Mokgethwa Johane 12:20. Ke ya go no bala temana fa.

*Gomme go be go le Bagerike ba ba itšego magareng ga bona ba ba tlilego godimo go . . . monyanya . . . go rapela:*

Ba go swana kagona ba tlile go Filipi, yo a bego a le wa Bethsaita wa Galelia, . . . ba mo kganyoga, ba re, Bahlomphegi, *re rata go bona Jesu.*

Bjale, phetlang go Bahebere 13:8.

*Jesu Kriste wa go swana maabane, . . . lehono, le go ya go ile.*

Ke ba bakae ba dumelago seo ka potego ka pelo ya lena yohle?

Bjale, gosasa bošego re ya pele go ditirelo tša boebangedi. Bošegong bjo re ya go . . . re bo fa bakeng sa phodišo Kgethwa.

59 Bjale, go ne selo se tee go bolela ka e ka ba eng, gomme ka gona go na le selo se sengwe go dira se re boletšego ka sona go ba therešo. Gomme ke Lentsu la Modimo lohle, gomme selo se nnoši le se hlokago ke tumelo go dira tshepišo e ka ba efe ye Kgethwa. Yeo ke nnete. Ge Modimo a dirile tshepišo, gona Modimo o tlamagile go tshepišo ya Gagwe.

60 Bjale, ke nyaka le no mpha nako ya lena ya go se arogane lebaka la metsotso e se mekae. Ge le ka mpha e ka ba metsotso ye masometharo, gomme gona re tla bitša mothalo wa thapelo, le metsotso e se mekae, re ka ya gae.

61 Bjale, selo sa pele ke: A le a dumela gore Jesu Kriste o a swana maabane, lehono, le go ya go ile? A le dumela seo, ka potego? A O a swana ka motheo? wa go swana ka maatla? ma—ma maatla a go swana ao A kilego a ba le wona? kwelobohloko ya go swana? Ge A ka be a be a le fa, e lego gore O gona lehono, a O be a tla dira feela tlwa boka A dirile ge A be a le fa pele?

62 Goba, a le nagana ka morago ga mengwaga ye dikete tše pedi O bile yo bohlašana gannyane, setswerere gannyane, o tseba mkgwa wa go dira kereke go fapana? Gomme O bile mohuta wa go kgopela tshwarelo go se A se dirilego go—go kereke ya

Pentecostal pele, kafao O no Mo direla kereke ya go fapana ya Pentecostal bakeng sa lebaka la mafelelo? A yeo e tla ba kgopolo ya Gagwe?

<sup>63</sup> E sego ge A swana. O tla ba le dikgopolo tša go swana. Gomme O be a le Modimo, kafao A ka se kgone go fetoga. “Modimo o be a le ka go Kriste a boelanya lefase go Yenamong.” Kafao O tla ba le dikgopolo tša go swana, le dikokwane tša go swana, maatla a go swana, le Kereke ya go swana. O a swana maabane, lehono, le go ya go ile.

<sup>64</sup> Bjale, letšatši le lengwe go be go le batho ba bangwe bao ba sego ba ke ba Mmona, ba thekeselela ka gare kopanong, goba, godimo go rapela ka Pentecost. Ba kwele ka Yena. Kafao ba tlile go yo mongwe wa bahlanka ba Gagwe gomme ba rile, “Mohlomphegi, re rata go bona Jesu.” Gomme ka go kgopela mohlanka yo, mohlanka yo o tšweleleditše Jesu bakeng sa bona.

<sup>65</sup> Bjale, ge A swana maabane, lehono, le go ya go ile, gomme le išitše diatla tša lena godimo gore le rata go Mmona, gona gobaneng re sa kgone go Mmona? Yeo ke potšišo. A re ka se kgone go Mmona? Ge A swana, gona gobaneng re sa kgone go Mmona?

<sup>66</sup> O phagamišitše seatla sa gago boka Bagerike bale. O rata go Mmona. Ke phagamiša seatla sa ka. Ke rata go Mmona. Gomme O tshepišitše gore O tla ba le rena le go se tsoge a re tlogela. “Ke na le lena ka mehla, ebile go fihla bofelong bja phelelo.” Yena ka mehla o mo, wa go swana maabane, lehono, le go ya go ile. Gona bothata ke eng? Gobaneng re sa kgone go Mmona?

<sup>67</sup> Bjale, ge A ka tla magareng ga rena bošegong bjo . . . Bjale, ge o le mosetsebje o ka no se kwešiše se, eupša ke nyaka o no gogela mabato a ka thoko fase, le go dula go iketla bakeng sa—bakeng sa kopano ka moka, le go theetša sekgauswi go Mantšu a, ditshepišo tše ke yago go le balela, di ngwadilwe ntle mo ka go . . . godimo ga pampiri ye, go tšwa Beibeleng. Gomme ke—ke nyaka go le balela ditshepišo tše dingwe le go hwetša ge eba O sa phela goba aowa, go bona ge eba bodumedi bja rena bja Bokriste ke bodumedi bja therešo, gomme ge mogopolo wa rena wa Pentecostal wa yona e le therešo, goba ge eba ke phošo.

<sup>68</sup> Ebile, ke dumela go, bjale, ebile le ka go phošo yohle ya yona, ke sa e kgetha go ba kereke, bjale, e sego ka gobane ke Pentecostal. Pentecost ga se mokgatlo. Bjale, lena Mabaptist le Mamethodist le elelwa seo, Makatoliki le Presbyterian, le ka se kgone go kgatlofatša Modimo. Ga o kgatlofatše Modimo. Pentecost ke boitemogelo ao Mamethodist, Mabaptist, Presbyterian, Makatoliki, le *bohle* ba amogela.

<sup>69</sup> Bjale, ka mehla ke be ke re, “Ge monna e le Mokatoliki, gomme a itshamile go kereke ya Katoliki bakeng sa phološo, o lahlegile. Gomme ge a le Mabaptist gomme a itshamile ka kereke ya Baptist bakeng sa phološo, o lahlegile. Ge a le Mopentecostal

gomme a itshamile ka kereke ya Pentecostal bakeng sa phološo, o lahlegile.

<sup>70</sup> Eupša ge a le Mokatoliki gomme a itshamile ka Jesu Kriste, o phološitšwe ka tumelo, tumelo ya gagwe mong. Ge a le Mobaptist, goba Mopentecostal, gomme a lebeletše go Jesu Kriste bakeng sa phološo, ka gore ke ka tumelo le phološitšwe, gomme seo ka mogau wa Modimo, yeo ke nnete, tumelo ya gago ya sebele ka go Jesu Kriste ke se se go phološago.

<sup>71</sup> Bjale, ge ye e le Puku ya Gagwe...ke bile le poledišanonyakišišo e se kgale botelele le moprista wa Katoliki. O tlile ntlong ya ka go botšiša ka ge eba ke ile ka kolobetša mosetsana tsoko yola...ge a be a le lesea, goba, mosetsana yo monnyane a ka ba bogolo bja mengwaga ye lesometlhano, o tla nyalagape, le go nyalagape Katoliki. Gomme o...o ile a swanela go mo kolobetša gape. Pišopo o mpotšišitše dipotšišo tše dingwe. Gomme o mpotšišitše ge eba ke mo kolobeditše, gomme ke mmoditše, “Kolobetšo ya Bokriste ka go karabetša.”

Gomme o rile, “Kereke ya Katoliki e be e fela e dira seo.”

Ke rile, “Neng?”

Kafao o ile morago gomme o rile, “Mo matšatšing a Beibele.”

Ke rile, “Gona a o tleleima gore be—be Beibele e...Kereke ya Katoliki e ngwadile Beibele?”

<sup>72</sup> O rile, “Jesu Kriste o kगतlofaditše kereke ya Katoliki gomme a bea Petro hlogo ya yona le baapostola ba lesomepedi; gomme yeo e bile kereke ya mathomo ya Katoliki.”

<sup>73</sup> Ke rile, “Gona ge e sa palelwe, gomme e sa fetoge, gobaneng go bile le diphetogo tše dintši kudu di dirilwego? Gobaneng, le na le basadi ba dikete tše lesome ntle mo le ba rapelago, batho ba ba hwilego. Gomme go na le Mmoelanyi yo motee feela, go boletše Beibele, gare ga Modimo le motho, gomme yoo ke Monna, Kriste Jesu, ga go boMaria, goba ga go selo gape. Le a bona?” Ke rile, “Gobaneng?”

O rile, “Gabotse, o a bona, Mna. Branham, ga ra swanela go phegiša Lentšu.”

<sup>74</sup> Ke rile, “Ga ke phegiša Lentšu. Ke no go botšiša.” Ke rile, “Ke na le *Two Babylons* ya Hislop. Ke na le dihistori tša bogologolo kudukudu tše nka kgonago go di hwetša. Še *Nicene Fathers*, Nicene Council, Pre-Nicene Council, le tšohle, thwi fa ka go ithuteng ga ka. Mpontšhe e ka ba kae go bilego le kereke ya Katoliki go fihla 305. Mpontšhe moo e bilego.”

O—o rile, “O tsopola histori.”

<sup>75</sup> Ke rile, “Ke tseba bjang go bile le George Washington fa, feela ka histori? Mpontšhe se sengwe go fapana.” Le a bona? Gomme ke boletše. Yeo ke nnete tlwa. Modimo ga se nke a kगतlofatša kereke, gomme ga se nke ya ke ya ba polane ya

Modimo go e dira. Mme wa kereke mokgatlo ke Katoliki, gomme bohle ka moka ga bona ba tlogile go mekgatlo yela ya go swana go ya ka Kutollo 17. Yeo ke nnete tlwa. Go roba kopanelo . . .

<sup>76</sup> Rena bohle re batee. Pentecost ke ya Methodist, Baptist, Katoliki, Presbyterian, “Mang kapa mang a ratago, a a tle, a nwe go tšwa methopong ya meetse a Bophelo mahala.” Thwi. Bjale, ge Jesu a le . . .

<sup>77</sup> Bjale, ga ke bolele kgahlanong le mekgatlo ye, eupša ge o thala legora le lennyane go dikologa . . . Go swana le selo se sennyane ke se bonego nako ye nngwe, kgabo ye nnyane e dutše godimo ka mohlareng. Gomme o rile, o lebeletše godimo go dikgabo tše dingwe tše nnyane, o rile, “O a tseba ba re botša gore . . . ba a re botša, goba, ba bolela tlase kua gore—gore ba tšwa go rena.” O rile a ka se kgone go dumela seo.

<sup>78</sup> O rile, “A ke be ke tla agelela mohlare wa ka godimo fa gore kgabo mmogo ya ka o be a ka se kgone go tla godimo le go hwetša khokhonate ge a be a e nyaka? A nka bolela gore ke nna kgabo e nnoši e lego gona ka—ka mehlareng?” Gabotse, o rile, “Ge e ka ba, gona morafe wa kgabo o wele.” Yeo ke, gabotse, yeo e ka ba nnete le yona. Ya.

<sup>79</sup> Ge re leka go agelela se sengwe legora . . . Modimo ga a se agelele legora. Modimo o tilhatlamolla legora, o phušula leboto la gare la dikaroganyo gomme, bohle ke batee ka go Jesu Kriste. Moya wo Mokgethwa ke wa rena bohle, gore bohle re ke re bone letago la Modimo.

<sup>80</sup> Ka go dikopano tšohle tša ka ga se nke ka Mmona a re, “Gabotse, moisa yo ke Mopresbyterian, kafao a ka se kgone go fodišwa. Gomme yo motee yo ke Mobaptist, kafao a ka se kgone go fodišwa.” Ga A fodiše batho ka tsela yeo. Ke godimo ga motheo wa tumelo ya bona gomme e sego kerekeleina ya bona. Nnete.

Bjale, ge A swana maabane, lehono, le go ya go ile . . . Kereke ya Katoliki e tla re, “Nnete, re dumela seo. Re dumela seo ka kerekeng ya rena.”

Baptist e tla re, “Re dumela seo ka kerekeng ya rena.”

Katoliki e re, “Re a e dumela” ka kerekeng yeo.

<sup>81</sup> Bjale, ge ke be ke eya go thekga polelo ye godimo ga Baptist, kereke ye ke tšwago go yona . . . Ge eba ke be ke eya go e thekga godimo ga Pentecost, goba ge eba ke be ke eya go e thekga godimo ga e ka ba ofe wa mekgatlo ya Pentecost, bokaone ke no emiša. Seo ke sohle.

<sup>82</sup> Eupša go ne selo se tee feela go se dira. Go swanetše go ba se sengwe sa maleba le se sengwe sa phošo. Ke therešo tlwa. O ka se kgone go hwetša phošo le maleba ka nako ya go swana. Re na le tolara ya bofora ka gore e dirilwe go tšwa go tolara ya kgonthe.

Bjale, phapano ke eng—ke eng? Re tla tseba bjang gona? Kereke ya Katoliki e re, “Ke rena mokgatlo wa kgalekgale.”

Pentecost e rile, “Gobaneng, re thoma morago kua pele ga mokgatlo.”

Go lokile, re tla no ya pele go sohle se.

Baptist e rile, “Re thomile go tloga go Johane. O be a le Mobaptist wa mathomo, ebile pele Jesu a etla go lefelotiragalo.”

Gabotse, o tla ba le mehuta yohle ya dingangišano. Eupša a re e tšeeleng fase gomme re hwetšeng.

<sup>83</sup> Bjale, go ka reng ge re eya tlase toropong go lebelela Jesu, gore O a swana? Re tla bona monna a etla mmogo a apere kobo boka A e apere, le ye—le kgopolo ye ya saekolotši ka yona ye A bego a na le moriri wo motelele. Ga re ne rekoto ya seo, gore O kile a ba le moriri wo motelele. Ga re tsebe.

<sup>84</sup> Eupša e bolela gore re dirile—re bone monna yo a lebegago boka seswantšho sa motaki seo se pentilwego sa Jesu, gomme o be a na le mabadi ka diatleng tša gagwe, mabadi maotong a gagwe, le—le mabadi a meetlwa, le go ya pele, gomme go lebegile o ka re, mohlomongwe, seswantšho sa Hofmann sa Gagwe, e be e le *Hlogo ya Masometharo tharo*, goba mohlomongwe tše dingwe tša yo mongwe, bjalo ka tšhušumetšo, goba—goba seswantšho se sengwe, seo go le bjalo se ka se kgone go ba Jesu, gobane ke tla le botša gobaneng: Gobane ga go motho a tla bonago Jesu lefaseng ka mmele wa nama go fihlela pele A eya letagong; gobane re tla ubulelwa godimo go Mo gahlanetša sebakabakeng. Yeo ke nnete.

Oo, O rile ka matšatšing a mafelelo, go tla ba Bokriste ba maaka, le se sengwe le se sengwe ba re, “Bonang, O ka leganateng; ka kamoreng ya sephiri; le se e dumele.”

<sup>85</sup> Eupša O mo ka sebopego sa Moya wo Mokgethwa, gomme Moya wo o bego o le ka go Kriste o tla dira dilo tša go swana tše A di dirilego, ka gore ke Bophelo bja go swana. Ge o bea bophelo bja—bja morara wa diterebe ka go mobeine wa komkomere, bo tla enywa diterebe. Ge o bea bophelo bja mohlare wa moperekisi ka go—ka go mosikamoro, o tla enywa diperekisi. Le a bona? Tlwa. Gobane ke bophelo bjo bo lego ka go wona, bo a tšweletša.

Gomme Bophelo bjo bo lego ka Kerekeng ya Jesu Kriste bo tla rwala mediro le maswao a Jesu Kriste.

Gomme Kereke ke motho ka motho. Modimo o šoma le Israele bjalo ka setšhaba, eupša Bantle bjalo ka batho ka batho. Bjale, le a e hwetša, a le a dira? Le a bona? Motho ka motho. . .

Setšhaba—setšhaba se tla phološwa ge Israele e etla. Se tla no tswalwa ka bošego ge Israele e tla tla go Modimo ka nako e tee.

Eupša ka gona, ge Bantle, ke motho ka motho. Batho ba A ba tšerego go tšwa go Bantle bakeng sa Leina la Gagwe, ba dira Monyalwa wa Gagwe.

<sup>86</sup> Bjale, re tla dira eng gona bošegong bjo ge re be re nyaka go hwetša ke kereke ya mang A lego ka go yona? Ge ke be ke nyaka go bona ge eba O ka kerekeng ya Pentecostal, ge eba ke be ke nyaka go bona O ka kerekeng ya Baptist, goba kereke ya Katoliki (mokgatlo wa kgalekgale), goba ke ofe ke tla . . . ? Lutheran, yeo e kgauswi le Katoliki, gomme Wesley o tla go latela, le pele go theoga ka mokgwa woo. Ge nka ya godimo, ka lebelela tšona dikereke, ke tla lebelela eng? Monna yo a tla lebegago bjalo ka Yena? Aowa. Go ka no ba banna ba bantši ba lebelelega bjalo ka Yena, feela tlwa. Ke tla lebelela eng?

<sup>87</sup> Ka gona ke tla lebelela monna yo a bego a na le Bophelo ka go yena. Ke tla lebelela Kereke yeo e bilego le Moya ka go bona feela boka Moya wa Gagwe. Le a bona? Ke tla lebelela go bona mediro ya Gagwe. O rile, “Yo a dumelago go Nna (Mokgethwa Johane 14:12), Yo a dumelago go Nna, mediro ye Ke e dirago o tla e dira le yena.” A yeo ke nnete? Gona re . . . O rile, “Yo a dumelago ka go Nna, mediro ye Ke e dirago o tla e dira le yena.”

<sup>88</sup> Bjale, le hwetša ka go phetolelo fao, e rile, “Ye megolwane go feta ye o tla dira, o tla . . .” eupša, gabotse, phetolelo ya maleba go tšwa go yona ke . . . Ke na le *Emphatic Diaglott*, gomme e re, “Yo a dumelago go Nna, mediro ye Ke e dirago o tla e dira le yena, le ye *mentsi* go feta wo o tla e dira,” e sego ye megolwane, gobane ba be ba ka se kgone go dira ye megolwane. O tsoitše bahu, a fodiša balwetši, a emiša tlhago. Ga se gona se ka bago se segolwane. Eupša e—e sego boleng, eupša ka go *bontši* A ka ba yo mogolwane.

<sup>89</sup> Ka gore ka gona O . . . Modimo o be a le ka go Monna yo motee, Kriste Jesu; ka go Yena go dutše botlalo bja Modimohlogo mmeleng. Bjale, ge Pilara yela ya Mollo e etla tlase ka Pentecost, le a hlokomela, Maleme a Mollo a dutše godimo ga yo mongwe le yo mongwe wa bona. Pele ba thoma go bolela ka maleme, go be go le Maleme a Mollo. Yoo e be e le Modimo a ikaroganya Yenamong go tloga go Pilara ya Mollo ka go moleloko yo mongwe le yo mongwe wa Kereke ya Gagwe. Modimo a ikaroganya Yenamong gore A kgone go ba tšekelele gohlelelele mogohle ka nako e tee.

<sup>90</sup> Thwi bjale dikopano tša phodišo di ya ka Afrika. Dihlotša di a sepela, difofu di a bona, gohle go dikologa lefase, Kereke ya lefasetšekelele ya Morena Jesu Kriste ka go batho ka batho, banna ba ba phelago le go Mo hlankela. Modimo o ikarogantše Yenamong le go bea Yenamong ntle magareng.

<sup>91</sup> “Letšatši leo le tla tseba gore Ke ka go Tate, gomme Tate ka go Nna, Nna ka go lena le lena ka go Nna.” Le a bona? Le a bona? “Ke tla ba . . . Lebakana le lennyane gomme lefase (kosmose fao, tshepedišo ya lefase), le ka se Mpone gape. Efela lena, Kereke, le tla Mpona, gobane Nna, *Nna* ke ‘lešalamong,’ Ke tla ba le lena, le ka go lena, go fihla bofelong bja lefase.” Yeo ke nnete. “Nna, Ke tla ba le lena . . .” Le a bona, Kereke ya lefasetšekelele ya Morena

Jesu Kriste. “Ke tla ba le lena. Mediro ye Ke e dirago le tla e dira le lena.”

<sup>92</sup> Bjale, a re naganeng feela motsotso bjale se A se dirilego nako yela. A re boneng ke mediro ya mohuta mang A e dirilego, le ka fao A itirilego Yenamong go tsebja. Bjale, re tšea, mohlala, O be a bitšwa Mesia. Gomme *Mesia* go ra, “Yena Motlotšwa,” Kriste. O be a tshepišitšwe go tloga serapeng sa Edene, morago ka go Genesi.

<sup>93</sup> Bjale, re no ya morago le go hwetša. Bjale re—re bala bošegong bjo go tšwa go Mokgethwa Johane 12. A re yeng morago go Mokgethwa Johane 1, gomme morago re tla hwetša se A bilego. Gomme ge re ka kgona go hwetša se A bego a le sona, le kereke ye A bego a le wa yona, mokgatlo wo A ilego go wona, gona ge e le mokgatlo wa rena re ka kgona go kgotsotala ka wona.

<sup>94</sup> Gomme re tla hwetša se A bego a le sona, le se A bego a le sona nako yeo, le se A se dirilego nako yeo. O swanetše go ba selo sa go swana, le go dira selo sa go swana lehono, gobane O rile O tla dira. A seo se tla kgotsotatša kereke? Gabotse bjale, a re nong go ya morago le go hwetša.

<sup>95</sup> Bjale, ke tla tsopola, gomme le a bala. Ge—ge le eya gae, tšeang ditema tše ge ke šupa go tšona mo. Gomme ka gona, ge re na le . . . re be re eya go ba le tirelo ya phodišo kgafetšakgafetša, re no tšwelapele re betha go tloga go Genesi go ya go Kutollo go bontšha gore ye ke therešo.

<sup>96</sup> Bjale, le ka no ba le dikgopolo tša lena tšohle di beakantšwe (go bjalo le Bafarisei) go seo Mesia a tla se dirago ge A etla. Eupša O tlile go fapana gannyane. Efela O tla tlwa se Mangwalo a se boletšego, tsela ye A . . . ba . . . Mangwalo a rile O tla tla. Bjale, a re Mo hlokomeleng motsotso feela.

<sup>97</sup> Re hwetša, ka morago ga tswalo ya Gagwe, godimo go ya go mengwaga ye masometharo ka bokgale, motswala wa Gagwe wa bobedi, John, o be a kolobetša ka lešokeng. Gomme Jesu o ile tlase gomme a kolobetšwa, gomme magodimo a bulega, gomme o bone Moya wa Modimo o theoga boka leeba. Gomme O ile ka lešokeng gomme a lekwa ka . . . matšatši a masomenne ke diabololo, a bowa morago le bodiredi bja Gagwe.

<sup>98</sup> Gomme selo sa pele A thomilego go se dira, re hwetša mo ka go Johane 1, O thomile go ya go dikologa a fodiša batho ba go babja. Gomme ka gona go be go le monna ka leina la Andrea o be a dumetše go Yena. A re mo tšeeng nakwana feela. A re tšeeng bjale ka fao A itirilego Seyena go tsebja bjalo ka Mesia.

<sup>99</sup> Bjale, elelwang gore Modimo ka mehla o fa maswao le matete. Ke ba bakae ba dumelago seo? Bjale, ka go Testamente ya Kgale. . . Bjale, theetšang sekgauswi. Feela pel- . . . Go ka se tšee botelele. Ge re ka kgona go le dira le bone Molaetša, le . . . go ka se be le motho ka fa ka go setulo sa bagolofadi. Go ka se be le motho

wa go babja ka moagong wo mo metsotsong ye masomenne go tloga bjale, ge le ka theetša le go e swara kgauswi.

Bjale, a re nong go e netefatša. Seo ke se Beibele e se boletšego. “Netefatšang dilo tšohle.” Bjale, ge A dirile tshepišo, O swanetše go boloka tshepišo.

<sup>100</sup> Gomme Modimo, ka go Testamente ya Kgale, ge moprofeta a profetile, goba molori a lorile toro, tsela ye ba hweditšego ge eba yeo e be e le therešo goba aowa, ba ile tlase go Urim Thummim. Badiša le go ya pele ba tseba ka seo, sephemasefega sa Arone. O be a na le matlapa a lesomepedi a maswikatswalo a bapatriaka. E be a lekeletše koteng ka tempeleng. Gomme ge moprofeta a thoma go profeta, goba molori a bolela toro, ga go kgathale e kwagala kgonthe gakaakang, ge e sa bonagatše tlhakahlaka yela ya dietša ka fale, sa kagodimogatlhago se be se sa šome. Kafao ba ganne molaetša.

<sup>101</sup> Ga ke kgathale e kwagala gabotse gakaakang, e lekanetše bjang ka thutamodimo ya Ngk. *Semangmang*, goba ka fao e sepedišanago le. . . kereke ye goba mokgatlo wola, ba o ahlotše gobane sa kagodimogatlhago ga se sa dira. Amene.

<sup>102</sup> Ke thoma go ikwela bodumedi. Ee, mohlomphegi. Moo Modimo wa kagodimogatlhago a lego, go ya go ba dilo tša kagodimogatlhago di diregago. O no se kgone go e thibela. E swanetše go no ba ka tsela yeo.

<sup>103</sup> Bjale, hlokomelang, bjale, ge boprista bjola bo fedile, boprista bja Arone, gona Urim Thummim yela e ile ya tlošwa. Eupša Modimo o na le Urim Thummim ye nngwe, e lego Lentšu la Gagwe, Beibele.

<sup>104</sup> Bjale, ge Modimo a dira tshepišo ka Beibeleng, gomme gona ge o amogela yeo, tshepišo ya kagodimogatlhago e tla dira ponagalo ya kagodimogatlhago, gobane Modimo o tla hlatsetša Lentšu la Gagwe. Ka go felela. Ge e sa dire, gona ga se Lentšu la Modimo. Ge e se. . .

<sup>105</sup> Gona—gona ge tumelo ya rena e se ye kgolo go lekanela, le se e gane, ge Modimo a dirile tshepišo, a re, “Go bjalo, eupša ga ke na tumelo go lekanela go e dira,” a nke moisa yo mongwe a e dire.

<sup>106</sup> Ge ke se ne tumelo go lekanela go thoma go sepela boka Henoge a dirile, go tšea mosepelo wa morago ga sekgaalela le go ya Gae le Modimo, nka se tsoge ka ema ka tseleng ya yo mongwe gape yo a nago le tumelo ya go lekanela go e dira. Ke tla re, “Tumišang Modimo bakeng sa ngwanešu yola, o sepetše thwi go tšwa lefaseng, ke no leboga seo, nka—nka se kgone go e dira, eupša o. . . Ke a leboga o e dirile. Ke. . .” Le a bona? Ke dumela seo, gomme ga ke nyake go ema ka tseleng ya yo mongwe yo a nago le tumelo go dira Lentšu la Modimo go tiišetšwa. Bjale, e swanetše go tšwa go Lentšu.



107 Bjale, ge Jesu a tlile, O tlile go ba Gagwe Mong, Bajuda. Bjale, re hwetša O bile le leswao la Mesia leo le Mo latetšego. Johane o beile bohlatse bja lona, gomme le bonagetše boka le—le leebea, Seetša, se theoga go tšwa Legodimong. O le lemogile. Bjale, ge Seetša sela, goba leebea, le tlile ka go Morwa wa motho, re lemoga se se diregilego.

108 Andrea, a re thomišeng ka yena. Re...Bjale, ka go Mokgethwa Johane 1, tema ya 1, ke ka go yona. Re hwetša gore Andrea, ka pela ge a dumetše go Morena Jesu Kriste, o ya go hwetša Simone Petro. Leina la gagwe e be e le Simone nako yeo, gomme o rile go Simone, “Bjale, o swanetše go tla o bone.” A re šwahleleng ka gare go poledišano ya bona. Bobedi ke bareadihlapi.

109 Ke kgona go bona Simone, mohlomongwe yo mogolwane wa ba babedi, a dutše fase ka thoko ga sekepe gomme a re, “Andrea, bjale o a tseba gore bobedi re Bafarisei, ka gobane re ka morago ga tate wa rena wa kgale, Mofarisei. Gomme ke a elelwa, Andrea, pele tate a ehwa ge ke be ke sa le mošemane yo moswa, letšatši le lengwe morago ga ge re theile ntle go letsha letšatši lohle botelele, re tlile ka gare; gomme tate o be a rapetše thata gore a hwetše hlapi. Gomme thwi mo iring ya mafelelo re swere hlapi bakeng sa borotheo bja rena letšatši la go latela. Oo, ke kgona go bona ka fao—ka fao mme ka mehla a lego matolong a gagwe a rapela. Ka fao re tshepetšego Modimo go re thuša.”

“Oo, ka nnete, ngwanešu Simone. Ke elelwa seo gabotse kudu.”

110 “Gabotse, ke a elelwa,” (Simone) “tate wa ka o rile go nna letšatši le lengwe ge a kgwathetše moriri wa ka morago, gomme ke beile diatla tša ka godimo ga meriri ya gagwe ye mepududu, gomme o rile, ‘Simone, morwa wa ka, ka mehla ke nyakile go phela go bona letšatši ge Molokolli wa rena, Mesia, a tla tla. Eupša ke a tšofala bjale, kafao ke a nagana nka se kgone go Mmona, Simone. Eupša o moisa yo moswa. Ga go pelaelo o tla Mmona mo letšatšing la gago.

111 “Bjale, go ya go ba le kgakanego ye ntši. Ka mehla bjalo, Simone. Feela pele sa kagodimogatlhago se direga, go tla ba bontši bja dilo tša maaka di diregago. Eupša ke nyaka o elelwe se, Simone, gore ge Mesia a etla, Mesia o tla ba le leswao la Mesia. Gomme o tla Mo tseba ka leswao.

112 “Moshe o boletše bjalo, ka gore Moshe o rile, go—go, godimo ka go tema ya—ya Doiteronomio, re hwetša se, gore O boletše gore Morena. . .” (Doiteronomio 18:15, ge le nyaka go e ngwala. Balang tema ka moka, go theoga.) “. . . gore Morena Modimo wa lena o tla tsoša moprofeta wa go swana le nna. Go tla direga gore mang a ka se kwego moprofeta yo o tla kgaolwa go tloga magareng ga batho.” Le a bona?

113 “Bjale, o rile, ‘Bjale, eelwa, Simone, go ka no ba diboledi tše kgolo tša go tlala maatla di tsogela godimo. Go ka no ba banna ba bagolo ba tla tsogago. Eupša eelwa, bjalo ka Bajuda, re a tseba gore Modimo o re romela Moprofeta, Mesia Moprofeta. Gomme lebaka . . . Bjale, re bile le mengwaga ye makgolonne bjale, ge e sa le Maleaki, ga se re be le baprofeta ba ba itšego, eupša ge Mesia a etla, O tla ba Modimo Moprofeta. Re tla Mo tseba ka seo. Bjale, o se lebale seo, Simone.’”

114 Bjale, o re, “Andrea, o ka no re yo ke monna yo maatla. A ka kgona go swara batho ba gakanegile. Eupša go nna, O swanetše go ba Moprofeta gobane Mesia . . .

Gomme ke kwele le bolela ka monna yola ka lešokeng le go ya pele, Johane. Yena, mohlomongwe, o be a le moprofeta le yena. Ga ke tsebe.

115 Eupša Mesia yo e tla ba Modimo-Moprofeta. O tla ba Moprofeta-le. O tla ba go feta moprofeta. O tla ba Moprofeta-le. Ke tla ya le wena letšatši le lengwe.”

116 Ke kgona go eleletša ke bona Andrea, nako yeo, a eya godimo go tirelo go kwa Jesu wa Natsaretha, gomme morago a tla gae le go mmošša dilo tše dingwe tšeo di diregilego. Kafao letšatši la go latela mohlomongwe Simone o tšere sephetho o be a tla ya.

117 Gomme le a eelwa, o ile a fiwa dikgonyo, Simone o bile, moragwana. O be a le monna wa go hloka tsebo. Ga se a tšwa go e ka ba efe ya diseminari, e ka ba sefe sa dikolo tša bona tša Beibele. Ebile o be a sa kgone go saena leina la gagwe mong, Simone Petro. Beibele e rile o be a le bobedi go se tsebe le go se rutege, eupša ba lemogile gore o be a ne Jesu. Bjale, seo ke kgwekgwe ya selo. Yeo ke Pentecost ya therešo. Le a bona?

118 Bjale, re hwetša gore o ile tlase gomme mohlomongwe o sepeletše godimo le Andrea, le lešaba le legolo la batho go dikologa. Gomme ka pela ge a tsena pele ga Morena Jesu, a makala ge eba O be a le Mesia. Bjale, re ya go hwetša se Mesia a bego a le sona.

119 Gomme ka pela ge a fihlile ka Bogoneng bja Mesia, O mo lebeletše, gomme O rile, “Leina la gago ke Simone, gomme o morwa wa Jona.” Oo, nna. Seo se be se mo lekane. Ga se feela gore O tsebile gore o be a le mang, O tsebile tate yola wa go tšofala wa bomodimo yo a mmoditšego se A bego a tla ba sona. Seo se e rumile go ya go ile. Yoo e be e le Mesia. Ee, mohlomphegi.

120 Ge yoo e be e le Mesia maabane a itsebiša Yenamong go ba Gagwe Mong, yoo ke Mesia lehono a itsebiša Yenamong go ba Gagwe Mong. Elelwang: go ba Gagwe Mong. Re ya go tla go seo mo motsotsong.

121 Bjale, e be e le eng? Go be go le ba bantši ba eme kua, mohlomongwe, ba be ba sa kwešiše seo. Eupša Simone o e tsebile, ka gore o be a lebeletše mohuta woo wa Motho. O be a hlahlwa

ke Moya. O tsebile ka Lengwalo gore yoo e be e le Mesia tlwa. Yena ga se a mo tseba feela, eupša O tsebile tatagwe, gomme o biditše bobedi maina a bona.

<sup>122</sup> Gomme fale go eme monna fale ka leina la Filipi, gomme Filipi o rile, “E re, yeo ke yona. Ke a tseba yoo ke Mesia.” Gomme o ile go dikologa thaba, dimaele tše lesometlhano go dikologa thaba, go hwetša mogwera go mmošša ka yona.

<sup>123</sup> Fao go na le *se sengwe sengwe*, ge ka nnete o hwetša pono ya Kriste, o ka se kgone go homola. O swanetše go botša yo mongwe ka yona. Feela kgwatho ya Gagwe, gomme e bea soulo ya gago e lauma.

“Ke swanetše go hwetša. . . Ke na le mogwera ka leina la Nathaniele. Ke monna yo mogolo. Ke serutegi se sekaone.” Gomme o ile go dikologa thaba.

<sup>124</sup> Go molaleng gore e be e eba nako ya mantšiboa ge a tsena ka gare. O kokota mojako, gomme Mdi. Nathaniele a tla mojako. “Gabotse, ge e se mogwera wa rena Filipi.”

“Oo, Nathaniele o kae?”

“O ikotlolla maoto ntle ka serapeng sa dienywa.”

<sup>125</sup> O tlogile go ya ntle ka serapeng sa dikenywa, gomme o hweditše, ntle fale ka tlase ga mohlare wa mogo, o hweditše Nathaniele tlase matolong a gagwe, mohlomongwe, a re, “O Morena Modimo, O re tshepišitše tokologo. Re e lebeletše. Re be re e letetše. O tla e dira neng, O Morena Modimo? Ke letile tshepišo yela O e fago.” O a emelela, gomme o hlohlora lerole diaparong tša gagwe—tša gagwe ka mokgwa *woo*, gomme o retologile go dikologa, gomme ke mang a bego a eme fale eupša Filipi.

O rile, ga go pelaelo, “Filipi, mogwera wa ka.”

<sup>126</sup> Gomme pele a bolela e ka ba eng, “Di go sepelela bjang? A mehlare e lokile?” o be a na le molaetša wa tšhoganetšo, se sengwe sa kgonthe. O rile, “E tla, bona Yo re mo hweditšego.” Oo, thwi go otloga go senepša. “E tla o bone Yo re mo hweditšego, Jesu wa Natsaretha, Morwa wa Josefa. Yena ke Mesia. Ke a tseba Yena ke Mesia.”

<sup>127</sup> Oo, bjale, ke kgona go eleletša Nathaniele a re, “Bjale, Filipi. Bjale, ke a tseba dithuto tše ntši tša Beibele tše re bilego natšo, sekolo se sentši se re bilego le sona mmogo. Gomme re a tseba, wena le nna re a tseba. . .

<sup>128</sup> “Bjale, go diregile eng, Filipi? A o wetše ka bodibeng felotsoko? Gabotse, go diregile eng go wena, Filipi? Bjale, o se ke wa tla go mpošša gore—gore Mesia yo a ka kgona go tsoge a tšwa Natsaretha. Bjale, re a tseba, re kwele polelo ya Kayafa ya mafelelo, gore letšatši le lengwe Mesia o tla tla, gomme ka kgonagalo O be a tla tsokama boka sefofane, o a tseba, thwi ntle ka go ditente tša tempele.

129 “O tla tla go mokgatlo wa rena, gobane ke wo mogologolo o lego ka nageng. Gomme O tla tla thwi . . . Gomme ge A sa tle go ya rena, re ka se e dumele. Re ka se be le selo go dira le yona, re ka se dirišane le ka moka ga bona. Aowa. Go swanetše . . . O tla tla go rena. Ke rena bona. Gomme O tla tla ntle kua, gomme O tla tla godimo go Kayafa, moprista yo mogolo, pišopo wa rena, le go re, ‘Ke nna Mesia. Ke tlile bjale go tšea taolo.’ Nnete yeo ke tsela ye e tla diregago.”

130 Kgopolo yeo ga se ya ke ya tlogela batho. Yeo ke nnete. Eupša le a tseba ke eng? Modimo o dira dilo ka tsela ye A nyakago go e dira. Ka mehla O e dira go fapana le tsela ye bohle re beakantšwego go e amogela, gore A kgone—A kgone . . .

131 Gabotse, O—O ikutile Yenamong go tloga mahlong a ba bohlale le ba tlhaologanyo, le go ikutolla Yenamong go masea ao a tla kokobelago le go ithuta go Yena. Bjale, ka pela, šetšang se se diregilego.

Eupša ke kgona go kwa Filipi a eya go yena ka se sengwe seo se bego se ne phosithifi, e sego mantšu a mangwe A a boletšego, eupša se sengwe seo A se dirilego.

Bjale, ke mo kwa a re, “Nathaniele, o serutegi sa Lengwalo.”

“Ee, mohlomphegi.”

“Ke mohuta mang wa Monna Mesia a tla bago?”

“Gobaneng, Mesia o tla ba Moprofeta.”

132 “Ee, mohlomphegi, yeo ke therešo, gobane Moshe o re boditše, moetapele wa rena, o be a le, goba, mantšu a gagwe re ithekgile ka wona, gomme re swanetše go ithekgaga ka wona, go fihla fao go etla Moprofeta. Gomme O tla ba Mesia, gomme o tla bontšha leswao la Mesia.”

“Ee.”

133 “Gabotse, Jesu yo wa Natsaretha ke bolelago ka yena . . . O elelwa radihlapi yola wa kgale tlase kua ba mmitšago Simone, o rekilego hlapi go yena nako yela, gomme ebile o be a sa kgone go saena rasiti bakeng sa yona?”

“Oo, ee. Ke mo tsebile, gomme ke tsebile tatagwe gabotse.”

134 “Gabotse, letšatši le lengwe ngwanabo o mo tlišitše godimo ka go bathheetiši moo Jesu a bego a eme. O lebeletše go dikologa, a re, ‘Leina la gago ke Simone. O morwa wa Jona.’ O ba tseba bobedi.”

“Gomme O dirile seo?”

“Ee.”

“Ke mang a Mmoditšego ka yona?”

135 “Ga a gona. Simone o nno tlišwa godimo ke Andrea, ngwanabo, a tla godimo fale. O a tseba go ka se mmakatše eupša se A tla go botšago gore o mang ge o fihla kua.”

“Gabotse, ga ke tsebe ka seo bjale. Ke swanetše go bona. O a tseba, ke bile orthodox nako ye telele. Kafao, ke tla—ke tla swanela go bona ka ga se.”

<sup>136</sup> Gomme selo sa pele le a tseba, letšatši la go latela ge ba etla godimo, gabotse, ba ka no ba ba tlile ka mothalong wa thapelo, goba ba ka no ba ba tlile ka go batheeletši. Ga ke tsebe. Go le bjalo, ka pela ge Jesu a mmone lekga la mathomo, Jesu o lebeletše thwi go mo dikologa, o rile, “Bonang MoIsraele, yo ka go yena go sego bomenetša.” Seo se tlošitše setatšhe go tšwa go yena. Seo . . .

<sup>137</sup> O rile . . . Bjale, mohlomongwe ba bangwe ba bona ba eme kgauswi, ba re . . . Gabotse, lehono ba tla re, “Gobaneng, nnete, o tla tseba o be a le seo, gobane ka tsela ye a bego a apere, o be a le MoIsraele.” Aowa, aowa. Bohle mabohlabela ba apere go swana. A ka be a be a le Marabia. A ka be a be a le Mogerika. Nnete, bohle ke ba baso, ba be ba apara gal- . . . ba apara maledu le disetše, le diaparo go swana.

O—O rile, “Bonang MoIsraele, yo ka go yena go sego bomenetša.”

Oo, go no mo hwetša gampe kudu. O rile, “Rabi, O kile wa mpona neng?”

O rile, “Pele Filipi a go bitša, ge o be o le ka tlase ga mohlare, Ke go bone.”

Mo theetšeng. “Rabi, Wena o Morwa wa Modimo; Wena o Kgoši ya Israele.” Le a bona, go itira Yenamong go tsebja go ba Gagwe Mong.

<sup>138</sup> Bjale, go be go le bao ba emego kgauswi ba ba ipitšago bonabeng ba Gagwe Mong. Yo mongwe wa bona o eme hleng le Yena, gomme o rile, “O a tseba ke eng? Ke swanetše go fa karabo bakeng sa dikereke tša rena. Ga se A tla go mokgatlo wa rena. Kafao re tla botša kereke eng ka yona, ge ba . . . ? Re swanetše go—re swanetše go bolela se sengwe, gobane se sengwe se a dirwa. Kafao re . . . Re tla botša kereke ya rena eng?”

Yo mongwe wa bona o rile, “Ke tla go botša.” Khansele ye nnyane ya badiredi godimo ka khoneng e rile, “Ke ya diabololo. Yeo ke tlwa.”

<sup>139</sup> Eupša ga se ba kgona go e uta go tloga go Yena. O retologile, a bona dikgopolo tša bona. O rile, “Le bolela seo kgahlanong le Nna, Morwa wa motho, Ke tla le swanela bakeng sa yona,” eupša bjale, go ripaganya Lentšu le fase, “eupša letšatši le lengwe, Moya wo Mokgethwa o tla tla, wa dira selo se se swanago. Lentšu le tee kgahlanong le wona le ka se tsoge la lebalelwa ka go lefase le, le ka go lefase le le tlogo.” Sebe sa go se lebalelwe, go bitša Moya wa Modimo woo o dirago mediro ya Bomesia, bjalo ka ge A be a dira, moya wa ditšhila boka mmolelelamahlatse.

<sup>140</sup> Ba rile, “Ke Beletsebubu, mmolelelamahlatse. O bala menagano ya bona. O—O na le go bala monagano, go bala

monagano, gomme O kgona go bala menagano ya bona. Seo ke se A se dirago.” Ba be ba sa kgone go bolela gore O be a sa e dire, ka baka la gore thwi fao e be e le gona, pele ga batho.

<sup>141</sup> Eupša lebelelang banna ba ba bego ba beetšwe go ya Bophelong. O Modimo! Leina la bona ke la go se hwe lehono. Ba ka Letagong le Kriste. Ba e lemogile go ba Mesia. O rile, “Wena o Kriste, Morwa wa Modimo yo a phelago, Kgoši ya Israele.”

O rile, “Ka gobane Ke go boditše seo, o a dumela? Ka gona etla o ye mmogo le Nna. O tla bona se segolwane go feta se.” Eupša ka gobane o dumetše!

<sup>142</sup> Bjale, ge leo e be e le leswao la Mesia maabane, gomme Yena ke Mesia wa go swana lehono, e swanetše go ba selo sa go swana lehono bjalo ka ge go bile maabane. Ke ka fao A itirago go tsebja Yenamong go Kereke ya Gagwe.

<sup>143</sup> Bjale, fao go na le merafo ye meraro feela ya batho lefaseng. Bao ke ba Hama, Seme, le batho ba Jafete; gomme letšatši leo, seo se bego se tšewa go ba Mojuda, Montle, le Mosamaria. Bjale, Bantle, rena Anglo-Saxon, re be re le bahetene ka go wona matšatši. Re be re rapela medimo ya diswantšho, Baroma, le go ya pele, ka melamo magetleng a rena; gomme re be re se ra lebelela Mesia. Gomme elelwang, Mesia o tla feela le go itira Yenamong go bonagala go bao ba Mo lebeletšego.

<sup>144</sup> Lebaka le re sa bonego dilo tše lehono, ga se ra di lebelela. Re lebeletše go dikereke tša rena, dikerekemaina tša rena, meago ya rena ye megolo, re gola gakaakang. Tloša mahlo a gago go tloga go seo. Lebelela go Mesia. Re mo nakong ya bofelo.

Bjale, hlokomelang se se diregilego. Gona re hwetša gore O tlile. Bjale, fao go . . . O dirile . . . ke ka mokgwa wo A itirilego Seyena go tsebja go Bajuda.

<sup>145</sup> Bjale, re ya go tšea, go phetla matlakala a mmalwa go Mokgethwa Johane, tema ya 4. O be a eya Jeriko. Ge e ka ba mang a kile a ba ka Palestina, e tlase ka fase ga Jerusalema. Fao ke mo A bego a le tseleng ya Gagwe. Eupša O bile le tlhoko, go ya go feta Samaria godimo ga thaba. Le makala gobaneng? Bjale, ka go Mokgethwa Johane 5:19, 5:19, le tla bala se: “Ruri, ruri, Ke re go lena, Morwa ga a kgone go dira selo ka Yenamong, eupša se A bonago Tate a se dira . . .” Le a bona, O be a le Moprofeta, karolo ya Moprofeta ya Gagwe. Bjale, O feta moprofeta. Le se nagane ke Mo dumelela moprofeta. Ga ke dire.

<sup>146</sup> Ke kwele Kgaetšedi Florence a opela lebakana la go feta. Ke rata go yena, o tla dira bošego bjo bongwe, tlase mo, go opela, *Go Theoga Go Tšwa Letagong La Gagwe*. Ke rata pina yela. E hlagiša Bomodimo bja godimo bja Jesu Kriste. Mo matšatšing ge ba leka go Mo dira moprofeta feela, O be a le Modimo Moprofeta. O be a feta moprofeta. O be a le Modimo a dirilwe go bonagatšwa; eupša leswao la Gagwe la Mesia le be le le moprofeta.

147 Bjale, re hwetša gore ge re Mmona kua, a eme kua; morago o ya godimo Samaria. Bjale, Basamaria gape e be e le seripa sa Mojuda le Montle, bao ba rapetšego Modimo. Bjale, re hwetša gore O ile godimo kua, gomme e be e ka ba iri ya lesometee goba lesomepedi. O romile barutiwa ba Gagwe go ya kgole go reka dijo tše dingwe, dijo; a ya tlase ka Samaria. O dutše fase sedibeng, ka kgonagalo seswantšhopenagalo, se sengwe boka seswantšho se sebotse se morago fa, o dutše ntle kua sedibeng. Ge o kile wa ba ka Samaria, gomme wa lemoga toropokgolo ya setšhaba gabotse kua, le bjale e sa le gona.

148 Gomme e be e ka ba ka iri ya lesometee mo letšatšing. Go be go le mosadi a etla ntle go ga meetse. A re naganeng o be a le botse, boka ba bangwe ba bahumagadi ba lehono, feela go be go fapana gannyane. Morago re hwetša gore o . . . [Phuthego e a sega—Mor.] Ya. Ke be ke nagana ka yena, go ya go ba . . . go mo dira a be le moriri wo motelele.

149 Ke be ke nagana ka mosadi yola yoo a hlapišitšego maoto a Jesu, le a tseba, ka megokgo ya gagwe le go e phumola ka moriri wa gagwe. O be a tla ba le nako ye thata . . . O be a tla swanela go ema godimo ka hlogo ya gagwe lehono go hwetša moriri wa go lekanela tlase kua go phumula maoto a Gagwe ka wona. Ba o rapile wohle go tloga. Beibele e rile, “Ke letago la gagwe,” kafa o nno ripa go tloga letago la gagwe. Ga ke tsebe gobaneng. Mohlomongwe o lebeletše yo mongwe godimo fa a naganengo bontši ka ga, godimo ka Hollywood. Eupša go le bjalo . . .

150 Le—le tla mpitša lehlanya. Le tla mpitša mokerenke ge le nyaka, eupša ka Letšatši la Kahlolo le tla hwetša ke O RIALO MORENA. Nnete. Ga go makatše re na le kereke ye e hwago; e sego go hwa, eupša e hwilego. Yeo ke nnete. Moya wa Modimo o nyamišitšwe le go tloga go yona. Ditsela tša rena di Mo nyamišitše. Diphapano tša rena, le go hloka diphapano go Yena, ke se se e dirilego. Ga ke nyake go le gobatša. Ga ke mo go le gobatša. Ke mo go le tsoša. Modimo e ba le mogau.

151 Re fe maatla le tlhohleletšo go dula go Lentšu la Modimo, go Le tliša go sa kgathale se le se rago, se le se bolelago. Re tšea badiredi go hwetša tšhelete ka gare, go itšimeletša, go kitimiša diaparo tše kgolo tša thelebišene, le dilo boka tšeo, go itšimeletša le batho. E sego nna. Bokaone ke dule mo mogodung wa ka, le go nwa meetse a lekala, le go ja magogo a soda, gomme ka rera therešo, go feta go swanela go ema kua pele ga kereke ka Letšatši la Kahlolo, le go ahlola le bona.

152 Mmušo wa ka ga se wa lefase le. Mahumo a ka ga a lefaseng le. Mahumo a ka a Legodimong, gomme kgahlego ya ka ke batho ba Modimo, Kereke ya Gagwe.

O se itshwantšhe ka bowena ka morago ga mosadimogatša wa modiša yo mongwe, goba mosadimogatša wa modiredi yo

mongwe, goba mosadimogatša wa moebangedi. Itshwantšhe wenamong ka morago ga Beibele. Yeo ke nnete.

<sup>153</sup> Lehono re swanetše go swanetšana. Mosadi a ka apara roko ye e itšego go ya kerekeng, goba go hwetša modirelo moriri wo o itšego, gomme mosadi yo mongwe le yo mongwe o nyaka go apara selo sa go swana. O dira selo sa go swana magareng ga bobedi bong. Ga ke tshwenyege ge eba jase ya ka e swanetšana le marokgo a ka goba sehlwamolaleng sa ka se swanetšana le hempe ya ka. Ke nyaka boitemogelo bja ka go swanetšana le Beibele ya Modimo. Woo ke mohuta wa go swanetšana re o hlokago lehono, tsošeletšo ya mohuta woo wa go swanetšana, ka Moya wa Jesu Kriste o phela magareng ga rena.

Yeo ke . . . [Lefelo la go se be le selo godimo ga theipi—Mor.]

<sup>154</sup> Di ka se kgone go hlakana mmogo go swana le ge di dira godimo mo ka Los Angeles, le tikologong mo. Di ka se kgone go hlakana mmogo. O ka se kgone go bolela e tee go tloga go ye nngwe bjale. Tšohle di lebega go swana. Matšatšing ale go be go fapana. Ge mosadi a be a le yo mobe, o be a swailwe gampe. O be a dula ka go khamphani ya gagwe mong; o be a sa hlakahlakana le ka moka ga bona. Bjale, go no swana le go tšea le—le lee le go ya go topa le bogare bja lona. Go no dira selo ka moka bošerolwana. Le a bona? Kafao seo ke se e lego bjale.

<sup>155</sup> Lebelelang, ke be ke bala mo moo die- . . . , diphapogo, a ke re, godimo ga setšhaba le ka Los Angeles, ka fao di lego; oo, go a šiiša. Go oketšega ga gago ke e ka ba diphesente tše masometharo godimo ga ngwaga wa go feta. A . . . Gobaneng, ke Sodoma.

<sup>156</sup> Oo, a nke Modimo a šikinye batho fa, go kwa, tsošeletšo felotsoko ye e tla šikinyetšago kereke ya Pentecostal morago go dikwi tša yona gape, go tshwela Mollo ka godimo ga batheeletši gore batho ka kwešiše iri ye re e phelago, ba dutše ba robetše, bjalo ka, nnete Beibele e rile ba tla e dira, ke a thanka. Gabotse, ke lena bao.

<sup>157</sup> Bjale, mosadi yo o tla ntle. Gomme yena, mohlomongwe o tla ntle nako yeo; mohlomongwe o be a tla be a le ntle bošego bjohle le go robala go fihla nako yeo. Eupša go le bjalo, o tlile ntle ka moeta. O beile manti a manyane ka tlase, ka dihuku tše nnyane, gomme a theošetša mokgoko fase go hwetša meetse. Gomme ge a be a ka hwetša meetse a gagwe a gogetšwe godimo, o kwele yo Mongwe a re, “Mosadi, Ntlišetše seno.”

Bjale, elelwang ke Mosamaria. Bjale, O bontšhitše leswao le la Mesia go Bajuda. Bjale, Basamaria šeba. “Mosadi, Ntlišetše seno.”

<sup>158</sup> A re, a lebelela godimo, gomme a re, “Ka baka la eng, bjale,” ke tla e dira, go e roba fase, “re na le kgethologanyo mo. Ga se setlwaedi go Wena, go beng Mojuda, go nkgopela, mosadi wa Mosamaria, selo se sebjalo.” Gomme o rile . . .



159 Ka kgonagalo o be a dutše fale, gore O—O be a se eupša bogolo bja mengwaga ye masometharo le metšo, eupša Lengwalo le rile, Mokgethwa Johane 6, o rile O bonagetše masomethano. O rile, “Ga O monna wa mengwaga ye masomethano bogolo gomme o re o bone Abraham.”

160 O rile, “Pele Abraham a eba, KE NNA.” Yeo ke nnete. Le a bona? Go molaleng gore mošomo wa Gagwe o Mo dubagantše, A ka no ba a pudufala ga nthathana, goba se sengwe.

161 Ge A be a dutše fale gomme o be a Mo lebeletše, Monna a lebega a ka ba bogolo bja mengwaga ye masomethano a dutše godimo go itshama ka lehlakore la lebototo lela, o rile, “Ga se setlwaedi go lena Bajuda go kgopela rena Basamaria.”

162 O rile, “Eupša ge nkabe o tsebile Yo o bego o bolela le yena, o be o tla Nkgopela seno.” O be a dira eng? Bjale, o tla swanela go tšea lentšu la ka bakeng sa se. O be a leka go kgokagana le moya wa gagwe. Modimo o be a Mo romile tlase kua. Modimo o nthometše go kereke ye. Ga ke le tsebe. Le a bona? Ga ke tsebe le o tee wa lena.

163 Eupša Modimo o be a Mo romile godimo kua. O be a na le tlhokego ya go feta Samaria. Gobaneng? Ba be ba lebeletše Mesia. O bile le, go ya godimo le go ba bontšha gore O be a le Mesia. Kafao O dutše fale. Mosadi yo o rile, o boletše le Yena, o rile, bakeng sa poledišo, o rile, “Sediba se a sobeletša, gomme Wena ga o na le selo sa go ga ka sona.” O rile, “Botatawešu ba rapetše thabeng ye, le go ya pele, gomme O re ka Jerusalema . . .” Gomme poledišano e ile pele.

164 O be A leka eng, go dira? Go hwetša mo bothata bja gagwe bo bego bo le gona. Bjale, theetsang kgauswi bjale. Go hwetša moo bothata bja gagwe bo bego bo le gona. Bjale, ke eng? Mesia o ya go itsebiša Yenamong go ba Gagwe Mong ka Samaria (Le a bona?), go Basamaria. Ka fa A e dirilego go Bajuda, O swanetše go dira selo sa go swana go Basamaria. Nnete. O swanetše go bitša ba Gagwe Mong ka sa go swana . . .

165 Le elelwa se ke se boletšego bošegong bja go feta? Ge Modimo a ka tsoge a dira sephetho go dira selo ka tsela ye e itšego, O swanetše go se dira nako le nako ka tsela ye go swana. Ge A se a dira, O dirile phošo ge A se dirile lekga la mathomo. Le a bona? Ga o fe seripa se tee sa borotho bja lehea gomme se sengwe seripa sa kuku. Sohle se a swana, feela tlwa. Le a bona? Bjale, elang hloko, Yena ke, Yena—Yena—Yena ke mohlokamagomo, wa go phethagala, mokgonatšohle, motlalagohle. Bjale, re bone fao gore Mosamaria yo, bjale, O ya go itira bjang Yenamong go tsebja go Mosamaria? Potšišo e gare ga Gagwe le mosadi.

Gomme ka morago ga ge A mo lebeletše metsotso e se mekae, Tate o be a Mo romile godimo kua, kafao O—O rile, “Sepela, hwetša monnamogatša wa gago gomme le tle mo.”

O rile, “Ga ke na monnamogatša yo itšego.”

“Oo,” O rile, “yeo ke nnete. O bile le ba bahlano, gomme yo o dulago le yena bjale ga se monnamogatša wa gago. Kafao o boletše gabotse.”

<sup>166</sup> Ke kgona go bona sela se sebotse, sehlopha se segolo sa moriri wa dikhele se wela fase godimo ga magetla a gagwe, le mahlo a gagwe a magolo a matsotho, gomme megokgo e tokologa go theoga marama a gagwe. O rile, “Mohlomphegi, ke a bona gore O Moprofeta.” Go fapana kudu bjang le mmalegogwana yola, le bona bareri. O tla tseba kudu ka Modimo go feta seripa sa bona. Ke taba ye kgolo ka tsela yeo lehono, le yona. Yeo ke nnete. Ya.

<sup>167</sup> O rile, “Mohlomphegi, ke a bona gore O Moprofeta.” O rile, “Re a tseba, rena Mes- . . . rena Basamaria, re a tseba gore ge Mesia a etla, leo e tla ba leswao le A tla le dirago. Kafao O swanetše go ba Moprofeta wa Gagwe. Re a tseba ge Mesia a etla, O tla re botša dilo tše; eupša Wena o Mang?”

Oo, nna. Ga se nke gwa ke gwa ba eupša Yena a ka tsogego a bolela se. O rile, “Ke nna Yena Yo a bolelago le wena.”

O ile a e lemoga. Yoo e be e le Mesia yo a bego a rutilwe gore o be a etla. O tsebile O tla ba Moprofeta, Modimo Moprofeta. Kafao o rile . . .

<sup>168</sup> A lahla pitša ya gagwe ya meetse, goba, a e bea fase, goba eng, gomme a kitimela ka toropongkgolo. Gomme hlokomela molaetša wa gagwe. O kitimetše ka gare, a re, “Etlang le bone Monna Yo a mpoditšego dilo tše ke di dirilego. A le ga se lona leswao la Mesia? A yo ga se yena Mesia? A Mangwalo a rena ga a re botše gore ge A etla, seo ke se A tla se dirago?”

<sup>169</sup> Gomme Beibele e boletše gore banna ba toropokgolo yela ba Mo dumetše go ba Mesia ka baka la bopaki bja mosadi yo A mmoditšego dilo tše a di dirilego. A leo ke Lengwalo? Mokgethwa Johane 4.

<sup>170</sup> Bjale, ke a bona nako ya ka e a tšhaba, kafao ke ya go swanela go itlhoganela bjale le go ba le mothalo wa thapelo. Ga ke nyake go le swarelela botelele kudu. Le a bona? Eupša ye, e ba tirelo ya mafelelo ya phodišo, bokgole bjo ke tsebago bjale, go fihla Lamorena bošego. Eupša bjale, emang. A nke ke hwetše e tee gape notwana ye nnyane—ye nnyane fa go ripa sepikiri ka fa go se dira se kgoramele.

<sup>171</sup> Bjale, go be go le Bajuda: O itirile bjang Yenamong go tsebja go Bajuda bjalo ka Mesia? Ka go bontšha gore O be a le Modimo Moprofeta. A yeo ke nnete? Bohle le dumelelana go seo? Bjale, elelwang, ba Gagwe Mong, ba Gagwe Mong. Bajuda ba bangwe, feela Bajuda ba mehleng, bona badiredi ba maemo, le banna ba baruti ba eme tikologong kua ka D.D.D., Ph.D., LL.D., ba eme fale, le a tseba, ka dikholoro tša bona di retologile go dikologa, go bolela bjalo, le disetše godimo, le tšohle ka mokgwa woo, ba rile, “Ke—ke go bala monagano. O se ke . . . Le a bona? Lebelelang legoro la gagwe. Lebelelang mo a tšwago gona. Ke

eng sa mathomo? Ke sekolo sefe a tšwago go sona? O ithutile se kae? Ga re na rekoto ya gagwe ebile le go tsenela diseminari tša rena, kafao le a tseba a ka se kgone go rereša. Yena ga se wa Assemblies. Yena ga se wa Oneness. Yena ga se wa Church of God, Baptist, Presbyterian, goba Katoliki. Ga re ne rekoto ya gagwe go beng ka dikolong tša rena.”

<sup>172</sup> Ke a tseba ke a gobatša, eupša mme wa ka o be a fela a mpotša. . . Re be re le digotlane tše nnyane, re. . .le. . .re be re phela—re phela bodiidi kudu, morago kua ka dithabeng, re be re swanela go—go tšea borotho bja lehea, le a tseba, le go hwetša makhura a matlalwana a kolobe. Re tla fihla le go dira bupi bja lehea. Gomme bošego bjo bongwe le bjo bongwe bja Mokibelo re tla swanela ke go—go hlapa le moelo wa kastroli. Kafao re ba komana bakeng sa Lamorena mosong, go ya morago sekolong. Go—go be go befile kudu, dijo tša rena—tša rena, re be re tla ba le tlhagama le se sengwe le se sengwe. Metlang ya petrute, le dinawa tše ntsho tša mahlo, le borotho bja lehea, le kgotlaomone ya mabele, yeo ke mabapi le se re godišitšwego ka sona. Kafao re tla swanela go tšea kastroli yela, gomme Mama o be a fela. . . Ke tla thoma go e tšea, ke tla re, “Oo, Mama. Hle, hle, e a mpeleka.”

Gomme o tla re, “Ge e sa go beleke, ga e go dire botse bjo bo itšego.”

<sup>173</sup> Kafao mohlomongwe se se tla hudua teng ya lena ya semoya felotsoko, seo se tla le dirago gabotse le go belekega; seo se tla dirago batho go puruputša Mangwalo, ka gore Ke therešo. Ke Lentšu la Modimo. Ke Wona a go se palelwe. Ke Wona ao a pakago ka Mesia. Amene. O ema ka Lentšu la Gagwe. Amene.

<sup>174</sup> Ga ke “amene” nnamong, eupša *amene* go ra “a go be bjalo.” Ke—ke e dumela ka pelo ya ka yohle, gore magodimo le lefase di tla feta, eupša Lentšu lela le ka se tsoge la feta.

Elang hloko, mosadi yo wa Mosamaria. Mosamaria o ile a swanela go lemoga gore O be a le Kriste.

Bjale, “Go reng ka Bantle, Ngwanešu Branham? O ba tlogela ka ntle.”

<sup>175</sup> Ga go lefelo le tee ka Lengwalong moo A kilego a dira leswao lela pele ga Bantle. Le hwetše gomme o mpontšhe lona. Ga le gona. Aowa, mohlomphegi. Ga le gona. O laeditše leswao la Gagwe la Bomesia go bao ba bego ba lebeletše Mesia. Oo, hle hwetšang se go otlologa. Seo ke selo sa go swana A se dirago lehono. Bjale, ke tla le bontšha gobaneng.

<sup>176</sup> Bjale, elang hloko. Pele A tloga, go le bjalo, O profetile ka lebaka la Bantle. Bjale, Bajuda, ba bile le mengwaga ye dikete tše nne go dumela go Mesia, le Basamaria go tloga moragorago ka nakong ya Moshe, ge ba nyetše basadi ba ba Bamoaba, le go ya pele, le go thubega godimo le go ba mahlakanasela, le go ya pele. Bjale, bohle ba bile le mengwaga ye yohle ba lebeletše Mesia,

gomme go be go le bangwe ba *therešo ka pelong* ka kua, bjale šetšang: ba Gagwe Mong.

O e bolela le nna, “ba Gagwe Mong.”

<sup>177</sup> O itirile Yenamong go tsebja go ba Gagwe Mong, bjale šetšang, bontši bja Bajuda ga se ba Mo dumela. Feela ka gobane ba be ba le Bajuda, seo e be e se selo, eupša bona bao ba bilego le leina la bona go Puku ya Bophelo ge e sa le motheong wa lefase.

<sup>178</sup> Le a eelwa, Beibele e boletše gore bohle, molwalekriste mo matšatšing a mafelelo, e bego e le mekgatlo ya bodumedi. . . Ke ya go fihla go seo beke ye, Morena ge a rata, goba beke ye e latelago, le a bona (go lokile), le go netefatša ke molwalekriste. Beibele e bolela bjalo. Yeo ke nnete. “Gomme o forile bohle bao ba dutšego godimo ga lefase bao maina a bona a sa ngwalwago ka go Puku ya Kwana ya Bophelo, e hlabilwego go tloga motheong wa lefase.” Moo ke ge e be e le. Le a bona?

<sup>179</sup> Bjale, bona bao, “Bohle Tate a (lebaka le le fetilego) Mphilego bona ba tla tla go Nna. Dinku tša Ka di tseba Segalontšu sa Ka.” E sego ka lebaka la matswalo goba morafe, eupša, “Dinku tša Ka di tseba Segalontšu sa Ka.” Bjale, šetšang.

<sup>180</sup> Bjale, le re yeo ke Bocalvinistic. Ga se nna Mocalvinist bjale. Ke dumela gore tšhireletšo e ya le Kereke. Nnete tlwa. Eupša ge o le ka Kerekeng, o šireletšegile le yona. Eupša a o ka Kerekeng, selo sa go latela? Bjale, yeo ke yona. E sego ka gobane o re o ntshe, seo ga se go bee fale.

<sup>181</sup> Bjale, eupša, ela hloko, ngwanešu, go tlogeleng thuto yela, re ya morago go mosadi wa Mosamaria. Bjale, šetšang se A se boletšego fale. Bjale, o rile, “Gobaneng, ka kgonthe. Re a tseba yoo ke Mesia. O tla dira leswao lela ge A etla.”

<sup>182</sup> Bjale, pele Jesu a tloga, ka go Puku ya Mokgethwa Luka, O rile, “Bjalo ka ge go bile ka matšatšing a Sodoma, go tla ba bjalo ka go tleng ga Morwa wa motho.” A le kile la kwa seo? Bjale, a re. . . O boletše pele, ka nako ya Noage, O rile ba Noage: ba eja, ba enwa, ba nyala, ba nyadiša.

<sup>183</sup> Eupša ka Sodoma, bjale, a re šetšeng. Bjale, fao ka mehla go magoro a mararo a batho. A šetšeng sekgauswi. Bjale, Sodoma tlwa e be e emela mehuta ye meraro ya batho, bjalo ka ge go bile nakong ya Noage, ge lefase le sentšwe ka meetse. Bjale, ka Sodoma le ile la senywa ka mollo. A seo ke therešo? Bjale, hlokomelang. Go be go le magoro a mararo a batho le Batseta ba bararo. Bjale, Abraham o be a emela ba “Gagwe Mong.”

E bolelel gape: “ba Gagwe Mong.”

Abraham le sehlopha sa gagwe ba be ba le ka ntle ga Sodoma, gomme lona lentšu *kereke* le ra “babilitšwante, ba aroganywa.”

<sup>184</sup> Loto o tšere kgetho ya gagwe le mekgatlo ya gagwe, gomme a ya tlase kua, a ba ratoropo wa toropokgolo. Gomme mosadimogatša wa gagwe e be e le wa sosaete sohle, le go apara

setaele sa Hollywood, le go ya pele. Le bona se se diregilego go yena? O sa eme fale bjalo ka pilara ya letswai. Bjale, eupša fale o hlologetše go ba Hollywood. Le a bona? O be a nyaka go swana le lefase lohle.

<sup>185</sup> Eupša Sarah e be e le mosadi yo mobotsebotse ka go lefase lohle, gomme o tšere kgetho ya gagwe le monna wa gagwe gomme a phela ntle kua godimo ga bahloki ba naga, gore a kgone go direla Modimo le go ba mojabohwa wa tshepišo. A phapano.

<sup>186</sup> Bjale, ge dilo di be di eya thata, e sego tše kgolo, dilo tše kaone, eupša di eya thata: Letšatši le lengwe Abraham o be a dutše morithing wa moouko, gomme o lebeletše ntle fale, go swanetše go ba go bile nakong ya sekgalela, gomme o bone Banna ba bararo ba etla, lerole gohlegohle diaparong tša Bona. Bjale, swarang Mangwalo a mabedi ale, bjale, o Ba bone, lerole gohlegohle diaparong tša Bona. Gomme Ba sepeletše godimo. Gomme Abraham, ka go ba wa semoya le go leta go bona tshepišo yela, ka pela (O be a “bileditšwe ntle.”) o e lemogile. Go be go le se sengwe sa go tla ba ka ga bona Banna.

Oo, ka nnete Ba ka no ba ba rile, “O dira bjang, mohlomphegi? Re Basetsebane. Re tšwa go naga ye šele.”

<sup>187</sup> O ile go kopana le bona, o rile, “Etna godimo gomme o dule fase ka tlase ga mohlare. Ke tla rata go bolela le Wena feela motsotso. A nke ke tšee meetse a mannyane gomme ke hlatswe maoto a Gago, gomme ke Go fe lerathana la borotheo. Morago O ya ka tsela ya gago. Dula fase. Ke ka baka leo O tlilego ka tsela ye. Modimo o Go rometše ka tsela ye gore ke kgone—ke kgone go Go direla se.”

“Gabotse,” Ba rile, “eya, a go be bjalo,” gomme ba ile, ba dula fase.

<sup>188</sup> Ke kgona go mmona a eya ka gare, a re, “Sarah,” moragorago ka tenteng, o rile, “duba bupi bjo bonnyane. Hwetša sefo, gomme o sefe bupi bjo bonnyane mo, goba se sengwe, gomme dira dikuku dingwe godimo ga masego.” Gomme o ile ntle le go hwetša namane ye nnyane ya go nona, le go e bolaya, le go e fa mohlanka, o rile, “E lokiše.”

Gomme o e lokišitše yohle, le go e tliša ntle pele ga Gagwe, a dula fase. Bjale, šetšang.

<sup>189</sup> Bjalo ka ge go bile ka Sodoma, go ya go ba ka tsela ye, gobane ye ke nako ya go tšhuma. A le dumela seo? Bokaonana le e dumele, ge haetrošene, le dipomo tša athomo, le diseputniki, le se sengwe le se sengwe gape se fofa go le dikologa, bokaonana o e dumele, gobane e etla.

<sup>190</sup> Elang hloko. Bjale, go diragetše eng? Sese se se diregilego. Barongwa ba dutše fale gannyane nthathana, ba bararo ba Bona. Ba tšwetšepele ba lebeletše godimo go ya Sodoma. Morago ga lebakana. . . Bjale, elelwang, ba babedi ba bona ba ile tlase

Sodoma. Ke ba bakae ba tsebago seo? Ba babedi ba bona ba ile tlase Sodoma, gomme ba rerile. Oo, Billy Graham wa—wa sebjalebja, le a bona, o ile tlase Sodoma, gobane go be go le. . . Loto o be a le tlase kua, yo a bego a emela modumedi yo bolelo, modumedi wa mollwaneng, ngwanešu wa kerekeleina. O be a le tlase kua ka Sodoma le lefase ka moka. Phuthego ya gagwe e be e le yohle sefefase le se sengwe le se sengwe gape. Eupša o be a le tlase kua.

<sup>191</sup> Gomme ba rometše Billy Graham wa sebjalebja tlase gomme o rerile go bona, ga go mehlolo, feela ba ba rathile go fofala; gomme go rerwa ga Ebangedi go itia mosedumele go fofala. Re tseba seo. E sego—e sego—e sego Loto o be a iteilwe go fofala, eupša, ba iteilwe go fofala, a ke re, eupša ba bangwe ba iteilwe go fofala.

<sup>192</sup> Bjale. Eupša bjale, re bona ke mohuta ofe wa leswao ba o dirilego: ba rerile Ebangedi ka tsela ye e lego gore e fofaditše mosedumele wa kgonthe le go biletša Loto ntle pele mollo o ewa. A yeo ke nnete?

<sup>193</sup> Šetšang Moisa yo, a šetšego morago, leswao le A le fago kereke, “ya Gagwe Mong.” Yo Motee yo a go šala morago e be e se Morongwa. E be e le Modimo. Beibele e rile E be e le Modimo. Abraham o Mmiditše “Elohim,” Yena mobagana ka boyena, tlhakakgolo M-o-r-e-n-a. O be a swanetše go tseba. O be a le yena a bolelago le Yena. Modimo. . .

Modiredi o rile go nna nako ye nngwe—nako, o rile—o rile, “A o ra gore yoo e be e le Jehofa Modimo?”

Ke rile, “Yola e be e le Jehofa Modimo. Oo,” ke rile, “o no šitwa go hwetša ke Yo mogolo gakaakang.”

<sup>194</sup> Re dirilwe ka eng? Dielemente tše lesometshela: khalesiamo, photaše, petroleamo, seetša sa khosmiki. O ile a no tšea lehupa la seatla gomme a ya “Fše! Etle mo, Gabariele, gatela ka go wo.” Le a bona? “Fše!” O butšweditše o tee godimo mo bakeng sa Morongwa yo mongwe. “Fše!” A butšwetša o tee bakeng sa Gagwemong. O tlile thwi fase, a ja nama ya namane, a nwa maswi go tšwa kgomong, a ja borotho bja lehea, gomme a timelela thwi pele ga Abraham. Le a bona?

<sup>195</sup> Gabotse, yoo ke Modimo yo a re ruilego. Nka no se be lehwana la molora, goba le wena o ka se ke, eupša A ka bolela (Haleluya!), ke tla tla pele. O tla mpitša. Ke thabile gore O a ntseba, gomme ke thabile gore ke a Mo tseba. Yena ke Jehofa. Yena o be a le fao. Yena o be a emela eng? Se A bego a tla ba sona ka matšatšing a mafelelo, a dula ka nameng.

<sup>196</sup> Bjale, šetšang sekgauswi. Bjale, re hwetša gore ke. . . A re boneng ke mohuta ofe wa leswao A le filego go ba Gagwe Mong. Go swana le ge A dirile ge A etla lefaseng, Modimo o dirile nama ka go Kriste. Bjale, hlokomelang, O bile le mokokotlo wa Gagwe o furaletše. Gomme O rile, “Abraham (O tsebile bjang o be a

le Abraham?), mosadimogatša wa gago o kae, Sarah?” Eng? O tsebile leina la gagwe e be e le Abraham, o tsebile gore o be a nyetše, gomme o bile le mosadimogatša, gomme leina la gagwe e be e le Sarah.

Abraham o ile a makala, a re, gomme Beibele ka go ikgetha e re Abraham o rile, “O ka tenteng ka morago ga Gago.”

<sup>197</sup> Basadi ba be ba sa dire nako yeo boka ba dira bjale: ba kitimela ntle, le go ba, go tšea lefelo la monnamogatša wa bona, le go hlokomela kgwebo yohle, le go bouta ka dipolitiking, le go bea mathaka boka ba nno ba bea ka gare, le dilo boka tšeo. Aowa. Ba be ba sa e dire nako yeo. Aowa. Ba tsebile bontši ka Modimo. Sarah o biditše Abraham wa gagwe “morena.”

Bjale, o rile, “O ka tenteng ka morago ga Gago.” Ka tenteng ka morago ga Gago.

<sup>198</sup> O rile, “Abraham (Theetšang!), Nna (Oo, kgaogelo! *Nna*, lešalamong lela gape), Ke ya go go etela go ya ka nako ya bophelo, bjalo ka ge Ke go diretše tshepišo yela mo mathomong, mengwaga ye masomepedi tlhano ya go feta.”

<sup>199</sup> Mo go be go le Monna a eja borotho bja lehea, a eja nama ya namane, le go nwa maswi go tšwa kgomong, ka potoro tsoko godimo ga borotho, ga go pelaelo, a dutše fale a eja yeo, gomme a re, “Ke go diretše tshepišo, gomme Ke ya go e dira.” Amene.

Gomme Abraham o Mmiditše “Elohim,” Ramaatlakamoka Modimo. Fao, o be a le, a dutše fao, a re, “Ke ya go go etela go ya ka . . .”

<sup>200</sup> Gomme Sarah, morago ka tenteng, o ile, a sega, a re, “Nna, mokgekolo mo, lekgolo la mengwaga ka bokgale, le go ba le mantsikinyane le morena wa ka gape ka mokgwa woo? Oo, e ka se kgone go ba.”

<sup>201</sup> Gomme mo—mo Monna a dutše fale o rile, “Gobaneng Sarah a segile?” Oo, ke mohuta ofe wa go bala monagano woo? Ke mohuta mang wa . . . ? Mosadi ka tenteng ka morago ga Gagwe. O rile, “Gobaneng a segile?”

<sup>202</sup> Bjale, šetšang. Jesu o rile, “Bjalo ka ge go bile ka matsatšing a Sodoma, go tla ba bjalo ka go tlang ga Morwa wa motho,” gore Modimo o tla iponagatša ka Boyena ka nameng ya motho, Kereke ya Gagwe, Mmele wa Kriste, gomme o tla dira leswao la go swana. Fao Bantle ba a le hwetša.

<sup>203</sup> Bjale. “Bahlomphegi, re rata go bona Jesu.” A O a swana maabane, lehono, le go ya go ile? Le bona ka fao A itirilego Seyena go tsebja go Bajuda? ka fao A itirilego Seyena go tsebja go Bantle? gomme, goba, go Basamaria? gomme o e tshepišitše go Bantle.

<sup>204</sup> Bjale, re bile le mengwaga ye dikete tše pedi, ga se nke gwa ba ka kerekeng. Eupša go tla ba Seetša nakong ya mantšiboa.

Moprofeta o rile, “Go tla ba le letšatši leo le ka se bitšwego bošego goba mosegare, eupša mo mantšiboeng go tla ba Seetša.”

Bjale, theetsang. A nke ke . . . Letšatši le lengwe beke ye, Morena ge a rata, ke nyaka go rera ka *Ge Bohlabela Le Bodikela Di Kopana*.

<sup>205</sup> Bjale, motho yo mongwe le yo mongwe yoo a nago thuto e ka ba efe o a tseba gore tlhabologo e sepetše le letšatši, go tloga bohlabela go ya bodikela. Ke ba bakae ba tsebago seo? Ka kgonthe le a se tseba. Tlhabologo, ya kgalekgale re nago le yona ke China, gomme re tla thwi go dikologa. Tlhabologo e sepetše le letšatši.

<sup>206</sup> Bjale, ka go batho ba bohlabela . . . L-e-t-š-a-t-š-i le hlaba ka go bogomaponi bja bohlabela gomme le dikela ka bodikela, ka go batho ba bodikela: l-e-t-š-a-t-š-i. Gomme M-o-r-w-a wa Modimo, go swana le l-e-t-š-a-t-š-i la Modimo, M-o-r-w-a wa Modimo o tlile go batho ba bohlabela pele, Bajuda, gomme kafa . . . A yeo ke nnete? Bagerike le go ya pele, ba tla bohlabela.

<sup>207</sup> Bjale, go bile mengwaga ye dikete tše pedi yeo e bilego leutu. Ba dirile mekgatlo, gomme ba agile dipetlele, gomme ba agile dikereke, ba dirile feela se Jesu a ba boditšego go se se dire. Ga se nke A re agang dikereke. Ga se nke A re agang mekgatlo. O rile, “Rerang Ebangedi (Yeo ke nnete.), bonagatsang maatla a Modimo.”

<sup>208</sup> Eupša dilo tše di tšere lefelo la tšona. Di phetše letšatši la tšona. Eupša bjale, “Nakong ya mantšiboa,” O rile, “go tla ba Seetša.” Gomme Morwa wa go swana yoo a phadimilego ka bohlabela o phadima ka bodikela. Maswao a go swana a Bomesia a bego a dirwa kua go netefatša e be e le Mesia, a phadima ka bodikela. Gomme re ka Lebopong la Bodikela. Re dijarata tše makgolothano, go nyakile, go tloga lewatleng. Gomme ge re eya ka tsela yeo, re ya kae? Morago China gape. Bohlabela le bodikela di tlile mmogo.

<sup>209</sup> Ke ka baka leo sebe se tswalelago godimo mo ka go Lebopo le la Bodikela. Se a šiiša, gomme ke se sebe. Gobaneng, re be re tlwaetše go romela Fora go hwetša diphethene. Fora e romela go rena go hwetša difešene go tšwa go basadi.

<sup>210</sup> Basadi ba rena ba Pentecostal, dihlong go lena. Lena banna ba Pentecostal, le kgoga sekerete le go ya pele, le go nyala basadi ba bararo goba ba bane, gomme matikone ka dikerekeng. Dihlong go lena. Modimo e ba le kgaogelo go soulo ya lena ya sebe. Gomme lena mekgatlo ya—ya Methodist, le Baptist, le Assemblies of God, le Dikereke tša Modimo tšeo di dumelelago tšeo . . .

<sup>211</sup> Le re, “Ka mehla o tšeatšea basadi.” Monna mang kapa mang yo a ka dumelelago mosadimogatša wa gagwe go apara dišothi le go kgoga disekerete, go laetša se a dirilwego go tšwa go sona. Ga se monna.



“Oo,” o re, “o—o sehlogo, Ngwanešu Branham.”

212 Ga ke sona. Ga ke sehlogo. Ke rera Lentšu la Modimo. Ke nnete tlwa. Dihlong go lena. Itšhišinyeng lenabeng gomme le tle go lenabeng. Etlang morago go Modimo. “Go tla ba Seetša nakong ya mantšiboa.” Bahlomphegi, re rata go bona Jesu.

213 A O ile a goga mehlatloša? A moprofeta mang kapa mang o ile a goga mehlatloša? O ile a tswalela bopaki bja Gagwe ka Madi a Gagwe. Banna ba therešo ba Modimo ba ka se tsoge ba goga mehlatloša bakeng sa lenaneo la thelebišene felotsoko, goba go hwetša tšhelete ka gare, goba lenaneo tsoko le legolo la thuto. O tla bolela therešo. Ge go tšea bophelo, o tla bolela therešo. Yeo ke nnete.

214 Ba ka no go hloya letšatši le tee, eupša letšatši le lengwe le etla ge ba tla go rata, ka gore o bolela therešo. Lentšu la Modimo le re ke therešo. Ga go Lengwalo ka Beibeleng bakeng sa boitshwaro bja kereke ya Pentecostal lehono, e sego nthathana, e kgahlanong le lona, ga re bolele ka wena Baptist le Methodist.

215 Fšhe! Ke a tseba seo se boima, eupša seo ke se ke nyakago se eba, gore le tle le otlologe. Gomme letšatši le lengwe o tla kopana mošola ka Pankeng ya Kahlolo. Ngwanešu, ke Lentšu la Modimo. Badiša ba lena le go ya pele, ba fokola go feta meetse a dibjana. Ke, kereke ke thekethe ya dijo legatong la phuluphithi. Yeo ke nnete.

216 Re hloka banna ba Modimo ba ba tla emago le go bolela therešo, go sa kgathale e gobatša mang. Ge go tšea matikone, bahlokomelaphahlo, le se sengwe le se sengwe gape ntle, botega.

217 Emela Modimo, gomme dumela Lentšu la Gagwe, gomme Modimo o tla tiišetša Lentšu leo. Le korotše gatee; le tla korola gape. Eupša o swanetše go korola le lona. O ka se kgone go swara molomo wa sethunya ka tsela *ye* gomme wa leta go betha ka tsela *yela*. O ka se e dire. E sware go la ngele le go la go ja. O ka se dire seo. O tla thunya mothalo wa go otlologa. Re swanetše go tsena ka go Lengwalo le le go Le thunya go otlologa. Amene.

“Bahlomphegi, re rata go bona Jesu.” Beibele e rile, “O a swana maabane, lehono, go ya go ile.”

Re feng metsotso ye lesometlhano, a le tla? Moya wo Mokgethwa ka kerekeng mo.

218 Bjale, ge ke gobaditše, ntshw-...Aowa, le se ke la ntshwarela. Huh-uh. Le se ke la e dira. E nong go ya gae, naganang ka yona lebakana. Ga se ke...ga ke re...Ke tla swanela go bolela dilo nako ye nngwe tšeo di ripago boka dithipa le...Eupša—eupša, ngwanešu, ke—ke ne boikarabelo. Ke ne boikarabelo pele ga Modimo go bolela se e lego therešo. Gona ge ke boletše therešo, Modimo o tla e hlatsetša go ba therešo. Bjale, a re boneng ge ke boletše therešo goba aowa. A re kgopeleng Tate go tla go lefelotiragalo. A re kgopeleng Modimo go tla, le

go thekga se. . . ge yeo e le therešo. Ge e se therešo, A ka se e thekge. Ge e le therešo, O tla e thekga.

219 Gomme lena batho le tla ratago go Mmona, ge A ka tla le go dira sona selo sa go swana bošegong bjo ka kerekeng ye. . . Ga go kgathale O ntlotša gakaakang, O swanetše go le tlotša le lena. Jesu o ile ka nageng ya Gagwe Mong, gomme mediro ye mentši ye megolo O be a ka se kgone go e dira ka baka la gosedumele ga bona. Eupša ge a hweditše yo mongwe a mo dumelago, mosadi o kgwathile morumo wa kobo ya Gagwe gomme a thakgafatšwa ka go phethagala. Ee. A o ka rata go bona Jesu?

220 Bjale, ge. . . Ga go kgathale se A tla bego a apere boka sona, se A tla lebegago boka sona, ge Bophelo bjo bo le ka go Yena, ka go monna goba batho, bo tla dira dilo tša go swana A di dirilego, gobane O e tshepišitše. A leo ke leswao la Mesia bjale go matšatši a mafelelo? Ke ba bakae ba e kwešišago gabotse? Phagamišetša seatla sa gago godimo, o re, “Ke a e kwešiša. Ke a e dumela.” A re rapeleng.

221 Tate wa kgaogelo, oo, gobaneng ke swanetše go bolela dilo boka tšeo? Ke—ke. . . Batho ba ba fepago bana ba ka, ba—ba batho ba ba beago diaparo godimo ga mokokotlo wa ka, gomme ba lefa tsela ya ka go kgabaganya naga, gomme efela, Modimo, a nke ba kwešiše gore ke—ke no leka go ba šikinya, Morena. Ke—ke leka go tliša kereke morago go tsela ya kgale gape. A nke ba kwešiše. A nke Moya wo Mokgethwa o ba dire ba tsebe ga se ka go bošoro; ga se ka go- . . . go hloka phapano; eupša ke go ba therešo, Morena, le go bolela therešo go sa kgathale.

222 Bjale, Tate, a O ka thekga therešo ya Gago bakeng sa rena bošegong bjo? Ke ba file setatamente se maatla gore O a swana maabane, lehono, le go ya go ile. A nke Moya wo Mokgethwa o tle bošegong bjo, Tate, gomme o tlotše sehlopha se sennyane se sa batho fa.

223 Gomme a nke ba tsebe gore batho ba. . . Ke bolela dilo tše, eupša e a gatišwa mo. Theipi ye e tla ya gohlegohle lefaseng. E tla fetolelwa ka go a mantši, maleme a mantši a go fapana go dikologa lefase, gomme batho go tšwa mogohle ba tla be ba e kwa. Gomme ke swanetše go kala mantšu a ka, Morena, gore ke therešo; le Mantšu a Gago, gomme e sego a ka.

224 Ke no be ke Go tsopola, go ipolela, bjalo ka ge Beibele e bolela, gore bjale O Moprasta yo Mogolo wa boipolelo bja rena. Ke ipolela Lentšu la Gago gore O a swana maabane, lehono, le go ya go ile. Bolela, Morena Modimo, gomme dira batho ba tsebe gore—gore O file Molaetša, e sego mohlanka wa Gago. E fe, Morena.

225 Re e gafela yohle go Wena bjale. Nka se sa bolela gape. Gomme Lentšu le tee go tšwa go Wena le tla ba bontši go feta moreri e ka ba ofe a ka rerago mo mengwageng ye milione, feela Lentšu le tee. Re a tseba Le gona, re a tseba Ke therešo.

226 Gomme bjale re nyaka O tiišetše Lentšu ka maswao a latela, bjalo ka ge O tshepišitše, gore ba ke ba tsebe gore ke ba boditše therešo, gore Wena o Mesia. Pilara ye kgolo ye ya Mollo ye ba nago le seswantšho sa yona, mo, le go tšwa Jeremane, go tšwa Switzerland, go tšwa gohlegohle nageng, moo ba e tšerego, gore ke Pilara ya Mollo ya go swana ye e ilego le bana ba Israele.

227 Ge A tšile mo lefaseng, re hwetša gore Pilara ya Mollo e be e dula ka mmeleng, Morwa wa Modimo. Re šeditše mediro ye A e dirilego. O rile, “Ke tšwa go Modimo, gomme Ke ya morago go Modimo.” Moragwana, ka morago ga lehu la Gagwe, poloko, le tsogo O boetše morago go Tate.

228 Gomme letšatši le lengwe Saulo wa Tareso o be a le tseleng ya gagwe go theogela Damaseko go golega batho, gomme Pilara yela ya Mollo ya go swana ye kgolo e mo rathetše fase, Seetša seo se timilego mahlo a gagwe, se mo dirile a fofale lebaka la sehla.

Gomme O rile, “Saulo, Saulo, o Ntlhomaretšeng?”

O be a sa tsebe se Pilara yela ya Mollo e bego e le sona. O rile, “Wena o Mang?”

“Go thata go wena go raga kgahlanong le seotledi.”

“O Mang, Morena?”

O rile, “Ke nna Jesu.”

229 Bjale, Morena, lefase la saense le a tseba, morago ga ge ba tšere seswantšho, gore ke Pilara ya Mollo ya go swana. Ke Seetša sa sephiri seo e sego feela ke tiragalomatlabi, eupša se rathilwe ka go lense ya dikhamera go kgabola ditšhaba.

230 Bjale, ge e le Moya wa go swana, gona O tla dira modiro wa go swana ge batho ba ka kgona go itliša bonabeng ka go seemo sa go swana. A nke go be bošegong bjo, Morena, gore nna le kereke ye, le baena ba, gore O ke o netefatše Wenamong go ba Jesu Kriste wa go swana maabane, le hono, le go ya go ile.

231 Ge re tloga bošegong bjo re tla, boka bale go tšwa Emause, re nyaka go Go bona o dira bjale, dilo tšeo O di dirilego pele ga papolo ya Gago, le ditshepišo tša Gago gore O tla e dira, gomme morago ga mengwaga ye dikete tše pedi, a nke O iponagatše Wenamong bošegong bjo, gomme ge re eya gae, re tla re, “A dipelo tša rena ga tša swa ka gare ga rena, ge A itirile Yenamong go tsebja magareng ga rena bošegong bjo?”

232 Gomme Morena, ke a dumela go tla dira batho go tla morago thapelong le go ikona, gomme—gomme kereke ye nnyane ye e tla gola, gomme maatla a Modimo a tla ba ka go yona, le diprofeto le maswao a magolo le matete, gomme basadi le banna ba otlologela godimo le go sepela pele ga Modimo ka boleta. Gomme, oo, a poifo ya Modimo e tla tlogo godimo ga naga, Morena. Ba fe maswao a magolo le matete. E fe. Tiiša Kereke ya Gago, Morena.

233 O Modimo, bitša batho ba Gago; ba gogele ka ntle ga tlhakahlakano ye ka matšatšing a mafelelo. E fe. Re tla Go letela, Tate, go bolela le rena ka go mothalo wa thapelo, ge re bitša, Leineng la Morena Jesu Kriste. Amene.

Bjale, ge le ka no re kgotlelela feela di se kae. . . [Ga go selo go theipi—Mor.]

234 Ke neng le kilego la e bona e šitwa? Ga e šitwe, gobane ke Modimo. E ka se palelwe. Modimo o rometše seo. Gomme e no ba kgonthe go nna bjalo ka ge e le go wena go nwa meetse. Le a bona? Ke no ba go itshepa gore Modimo o tla sepelela go lefeltiragalo bjalo ka ge ke eme go sefala se bošegong bjo, gobane ke tšhepišo ya Gagwe.

235 Gomme ge A ka dira seo, gona seo se tla bontšha gore Yena ke Mesia wa go swana a bowago morago. Bjale, go bomang? E sego go ya ka ntle, mekgatlo ye megolo le dilo, eupša go Bakgethiwa (Le a bona?), go Kereke. Le bona se ke se rago? Ba Gagwe Mong.

O re, “Gobaneng o sa be le lenaneo le legolo la thelebišene?”

O rometše go ba Gagwe Mong, Bakgethiwa, babilētšwa ntle, e sego matšoba.

236 Jesu o be a se ne bompogeng. O be a se mpogeng. O—O. . . Ba rile, “Gobaneng o sa tloge go sehlopha sela tlase kua nokeng? O gerema le feela sehlopha sa bokabapshikologibakgethwa,” le a tseba. “E tla godimo mo gomme o laetše Kayafa se o ka kgonago go se dira.” Ga se A tsoge a e dira. Uh-huh. O be a le, a bolokilwe go kokobela, ka setu.

237 O tliile go ba Gagwe Mong, go. . . O itirile Yenamong go tsebja go ba Gagwe Mong, pele ga Bajuda, bona ba ba Mo gannego, ba ile pele Bokagosafelego. Bao ba Mo amogetšego le go e dumela, leina la bona ga le hwe, gomme ba tla ba go ya go ile. Yeo ke nnete.

238 Bjale, ga se nna Yena. Ke no ba ngwanabolena. Ke nna ngwanabolena, mohlanka wa Jesu Kriste, o rometšwe mo le baena ba ka, le lena batho mo, go. . . ka mpho ye e bonagatšago. Gomme ge nkabe ke na le nako, ke be nka kgona go e tšea go kgabola Beibele beke ye, le go netefatša go lena ka Lengwalo ka morago ga Lengwalo, dinetefatšo tša go se palelwe gore ye ke iri ya yona. Le se e tlogele e ye go le feta. Le a bona?

239 Mosetsana šo. Ga se nke ka ke ka mmona bophelong bja ka, mosadi yo moswa wa go ratega. A ka no ba Mokriste; a ka no se be. A ka no ba—a ka no ba a babja; a ka no se be. A ka no ba le mathata a tša ditšhelete, mathata a selapa. Ga se nke ka ke ka mmona bophelong bja ka. Eupša ponagalo ya go phethagala ya se ke bego ke bolela ka sona.

240 Fa go ponagalo ye nnyane bošegong bjo. Fa go monna gomme fa go mosadi, ba kopana lekga la bona la mathomo. O ile a no emiša seatla sa gagwe, o be a sa ntsebe, gomme diatla tša ka šedi

ga ke tsebe, ga se kake ka mmona ka bophelong bja ka. Le a bona? Gomme o rile ke be ke le mosetsebje go wena. A yeo ke nnete, mohumagadi? Ke rena ba.

<sup>241</sup> Bjale, “Bahlomphegi, re rata go bona Jesu.” O be A tla dira eng ge A bonagetše go lefelotiragalo? Go no swana le ge A dirile letšatši sedibeng, mosadi wa Mosamaria. A ke nnete?

<sup>242</sup> Bjale, A ka dira eng? Ke go ntlotša le go mo tlotša. Ge A sa e dire, nka se kgone go bolela selo se tee. Se ke sefoasemuma go fihla se sengwe se bolela ka go sona. [Ngwanešu Branham o kgwathile segodišantšu—Mor.] Go bjalo ka nna. Ga ke mo tsebe. Ga a ntsebe. Kafao ke ya go tseba bjang—bjang e ka ba eng ka yena?

Bjale, go ka reng ge nka re, “Mohumagadi, a o a babja?”

O be a tla re, “Ee, mohlomphegi, Mna. Branham, ke a babja.”

<sup>243</sup> “Letago go Modimo! Haleluya!” Ka mo šikinya, ka re, “Letago go Modimo! E amogele. Haleluya! Eya pele. O fodile.” Seo se ka ba gabotse. Kgonthe, seo se tla ba kaone. O tla e dumela, o tla fola. Ka kgonthe.

<sup>244</sup> Go no swana le se Charlie Fuller a se boletšego tlase mo nako ye nngwe, Ngwanešu Fuller, o rile, “Ke dumela go dimpho tše, gomme ke dumela go dimpho tše kgolo tše tša phodišo le tšona, eupša,” o rile, “ke dimpho tša phodišo, eupša Modimo o ya go dira bona banna go arabela ka Pankeng ya Kahlolo bakeng sa go e dira ya kgwebo.” Gomme ke dumela bjalo le nna. O thwi, fao. Ee, mohlomphegi. Le se ke la dira Modimo kgwebo. A ka se kgone go dirwa kgwebo. Eupša Modimo o tla go dira o lefe bakeng sa se o se dirago, ka tsela ye o e šomišago.

<sup>245</sup> Bjale, mohumagadi, ke mosetsebje. Yo mongwe, o na le karata ya thapelo ka seatleng sa gagwe, yo mongwe o swanetše go e hwetša. E tla mo, Morategi. [Kgaetšedi o bolela le Ngwanešu Branham—Mor.] Oo, ga se—oo, ga se—ga se, ke a bona, ke se sengwe, se sengwe gape fale. Ke naganne e be e le karata ya thapelo. Ntshwareleng. Oo, o . . . ke bakeng sa . . . o na le karata ya yo mongwe gape. Go lokile.

<sup>246</sup> Bjale, ge Jesu Kriste a swana maabane, lehono, le go ya go ile. . . Bjale, ke swantšha go lena Beibele, kereke ya Pentecostal, ke ra *se*, *mo*, ke swantšha go lena Beibele le se Jesu a bego a le sona maabane. Bjale, O boletše gore mo letšatšing le la mafelelo O tla tla fase ka go nama ya motho, boka A dirile kua Sodoma, gomme o tla dira selo sa go swana. Bjale, ge A ka bowa le go dira feela boka A dirile go Basamaria le go Bajuda, a le tla Mo dumela go ba Mesia ya a lego mo ka moagong bošegong bjo? Phagamisang diatla tša lena ge le re, “Ge A ka dira selo sa go swana, ke tla Mo dumela.”

Gabotse, taba ye tee ye e swanetše go e ruma. Ge o botega ka pelong ya gago, e swanetše go e ruma.

247 Bjale, ke rena ba, bobedi ka tlase ga keno gore ga re tsebane seng. Go lokile. Bjale, ge Modimo a ka nkutollela se sengwe seo o se dirilego, seo o tsebago nka se tsebe selo ka sona, goba se sengwe seo—seo o beakantšego go se dira, seo ke sa tsebego selo ka sona, goba se sengwe ka wena, se bothata bja gago e lego, se bolwetši bja gago bo lego, se tlaišego ya gago, goba—goba *se sengwe sengwe*, se sengwe boka seo, gona a o tla dumela gore e be e le Yena?

248 Seo se tla . . . se tla swanela go tla ka mohuta wo mongwe wa maatla. Ge o dumela gore ke maatla a Gagwe, gona o hwetša ditšhegofatšo tša Gagwe. Ge o dumela gore ke maatla a mangwe, gabotse, seo se godimo gare ga gago le Modimo. Le a bona? Nka se tsebe gore go tla direga eng fao.

249 Bjale, ge A ka e dira, o tla e amogela, ge A ka e dira ka mokgwa wa go swana A dirilego ka Beibeleng, go swana le Yena le mosadi yola a emego, a bolela, o tla e dumela, a o tla dira, mohumagadi? Gomme kereke e rile ba tla e dumela. Bjale—bjale ke nako ya Modimo go dira. Le a bona?

250 Bjale, ke rena ba, ka kgonagalo makgolo a mararo goba a mane, makgolo a mararo a batho, go le bjalo, ba dutše ka fa bošegong bjo. Go lokile. Lebelelang fa, pele ga batho ba makgolotharo, ke bone tše nne, dikete tše makgolotlhano ka Bombay, India, le a bona, dikete tše makgolopedi le masomešupa tlhano ka Durban, Afrika Borwa. Ga e šitwe. Ke Modimo.

251 Bjale, ge A ka kgona go go botša se o bego o le sona, ka nnete A ka kgona . . . o tla dumela, o tla tseba ge eba seo ke therešo goba aowa. Ge A bolela, o tla tseba ge eba ke therešo.

252 Gabotse, ge go le, gomme O bolela se o bilego, go reng ka se o tla bago? O ka kgona go dumela seo gabonolo gona, a o ka se kgone, ge A ka bolela seo? Go lokile.

253 Mosadi yo moswa, bjale, ga se nke ka ke ka mmona bophelong bja ka. Ke yo moswana kudu go feta nna, o tswetšwe mengwaga go arogana, mohlomongwe dimaele go arogana, gomme kopano ya rena ya mathomo. Eupša bjale, ke no bolela le yena gore ke sware moya wa gagwe, feela boka Morena wa rena a dirile mosadi mo sedibeng. Gomme ke a bona bjale gore ke modumedi, gomme o a tlaišega. O nyaka thapelo bakeng sa mohuta tsoko wa bolwetši bja letlalo o nago nabjo. Ge seo e le nnete, phagamišetša seatla sa gago godimo. A o a dumela?

254 Bjale, ke tšwelapele, kopano ye nngwe le ye nngwe, ke ikwela gore, yo mongwe o rile, “O thankile seo.” Bjale, o ka se kgone go uta dikgopolo tša gago bjale. O mo. Uh-huh. Le a bona? O re . . . Bjale, o . . . Ga se ke thanke seo. Hwetša.

255 O bonala o na le kgomano ye kaone le Moya wa Modimo. Bjale, ga ke tsebe se ke go boditšego. Yoo e be e se nna. Yoo e be e le Yena. E godimo ga segatiši fao. Nka kgona go kitimišetša seo morago le go tseba se e bego e le sona, eupša ga ke tsebe bjale.

Eupša ge o ka no ntumela go ba moprofeta wa Gagwe, goba, mohlanka wa Gagwe! (Leina leo le šitiša batho, le a bona.) Kafao, ge o no dumela ka pelo ya gago yohle!

<sup>256</sup> Ee, mohlomphegi, ke bolwetši bja letlalo. Seo ke se ke go boditšego. Gomme—gomme selo se sengwe sese. O na le go opša ke hlogo, go opa ga hlogo go go be ka kgonthe. Gomme gona, go na le bana ba babedi ke ba bonago bao o nyakago ba rapelelwa. Gomme yo mogologolo o bolawa ke seemo sa mogalatšhika. Yo monnyennyane o babja ka se sengwe sa phošo mo lethekeeng, ke sešo mo lethekeeng. Ge Modimo a ka mpotša ke wena mang, a go tla go dira o dumele bjale ka pelo ya gago yohle? O a tseba ga ke go tsebe, eupša Mdi. Bowman, o ka kgona go ya gae. Dumela go Morena Jesu Kriste gomme o dirwe go fola. Modimo a go šegofatše, kgaetšedi wa ka.

<sup>257</sup> A le a dumela? “Bahlomphegi, re rata go bona Jesu.” Bjale, e no ba le tumelo. Bjale, monna šo. Ga se nke ka ke ka mmona bophelong bja ka. Mohlomongwe o tšofetše gannyane go mpheta. Re basetsebane seng sa rena. Gomme ga ke go tsebe, gomme ga o ntsebe. Eupša ge Modimo a ka mpotša se sengwe, goba . . .

<sup>258</sup> Bjale, homolang ka kgonthe. Go se be le yo a sepelago tikologong. Le a bona, lena le meboya. Le a bona, yo mongwe le yo mongwe wa lena ke moya. Le tseba seo? Se ke seatla sa ka, bjalo ka ge ke boletše bošegong bja go feta, se ke seatla sa ka; wo ke monwana wa ka; ye ke tsebe ya ka; ye ke nko ya ka, mahlo a ka. Eupša nna ke mang? Le a bona, seo ke se sengwe seo e lego sa ka. Ke nna moya.

<sup>259</sup> O mo bakeng sa yo mongwe gape. Ga o bakeng sa gagomong. Motho yo o lego mo bakeng sa gagwe o babja kudu. Ba na le moriti wa lehu godimo ga bona. Ke kankere. Ga ba mo. Ba ka Phoenix, Arizona. Sepela, dumela, gomme ba tla fola. Go lokile. Bjalo ka ge o dumetše, a go be bjalo go wena. Modimo a go šegofatše.

E no ba le tumelo. O se belaele. O a dumela?

<sup>260</sup> Go reng ka wena o dutšego fale, mohumagadi, mo setulong? Go nno go tsikinya, se sengwe se dirile, thwi fale, a ga se sa ke? Mohumagadi yo a dutšego fa ka jase ya gagwe, a robetše ka seatla sa gagwe godimo, a ntebeletše ka mokgwa woo. Ya, thwi fa mo mafelelong. A o a dumela kgatelelo yela ya godimo ya madi e tla go tlogela gomme o tla ba gabotse? Go lokile, gona. Nno ya pele. O ka dirwa go fola.

O kgwathile eng? O kgolekgole le nna. O kgwathile Moprsta yo Mogolo yoo a kgonago go kgwathwa ke maikutlo a mabofokodi a rena. Yoo ke Yena.

<sup>261</sup> Re basetsebane seng sa rena, mohlomphegi. Ga ke go tsebe. Ga o, mohlomongwe, ga o ntsebe, ntle le ge e no ba ka leina, goba go dula ka kopanong felotsoko gomme wa mpona. Ke, eupša go tsebana seng, ga re tsebane seng. Re basetsebane seng.

262 Bjale, ge Morena Jesu a ka nkutollela se sengwe ka wena seo o tsebage gore ga ke se tsebe, a o tla Mo dumela bjalo ka Mesia? E sego nna, eupša Yena a šoma ka nna. Ke no, mpho, go no neela bonna go Moya wa Gagwe, gomme ke tšwele tseleng gomme O dira polelo. O a bona? Gabotse, ge A ka go botša, o a tseba ge eba ke therešo goba aowa, a e ka se ke? O a tlaišega, se sengwe sa phošo ka ditšhika. Ke ditšhika tša go photha madi. Yeo ke nnete tlwa.

263 Eupša ke bona mosadi a tšwelela, yo mongwe yo o mo rapedišago. Ke kgaetšedi wa gago. O ne go phuhlama ga monagano, gomme o a mo rapediša. Yeo ke O RIALO MORENA. Yeo ke therešo, phagamiša seatla sa gago. Dumela go Morena Jesu bjale? Sepela, amogela se o se kgopetšego.

Leineng la Morena Jesu, e fe.

264 Go bjang? Ntshwareleng. Ke be ke se ka seph-. . . ntle le nnamong, ke be ke šeditše Seetša. Ke be ke se na kgonthe. Ke bona moo Se emego, eupša ke be ke se na kgonthe seo—seo se diregilego. Le a bona? Le a bona, ke—ke no swanela go Se latela. Le a bona, ke. . .

265 Bjale, o loketše karo. Eupša a o a dumela gore Modimo a ka kgona go go fodiša go seo? O na le dihloga tše tharo ka mafelong a mararo a go fapana. Ge nka di hlaloša go wena, a se tla go thuša? Se tee sa tšona se ka mogolong, se tee sa tšona se ka go thathana ya bosadi, gomme se sengwe se ka tlase ga letsogo la gago le letona. Mdi. Macintosh, leo ke leina la gago, eya gae gomme o dumele Morena Jesu Kriste gomme o dirwe go fola, Leineng la Morena Jesu.

266 Le a dumela? “Bahlomphegi, re rata go bona Jesu.” Gabotse, yoo ke Yena, ke maikutlo ao. Bjale, a seo ga se tiišetše gore kereke ya Pentecostal ba ba ikwelago tšhegofatšo yeo, yoo ke Morena Jesu, le a bona? O dira mediro ya go swana. Yoo ga se nna.

267 Ga ke tsebe batho ba. Modimo ka Legodimong o tseba seo. Ga ke tsebe batho, eupša Modimo o a ba tseba. Ge o ka kgona go dumela, dilo tšohle di a kgonega.

268 Mosadi o na le sakatuku sa gagwe godimo kua. Seetša sela se sa le godimo ga mosadi. A yoo ke mosadi, a bego a le sefaleng feela bjale, o na le sakatuku sa gagwe godimo? A o be o le godimo mo?

269 Aowa, ke—ke thwi ka morago ga gago. Mohumagadi thwi ka morago ga gago o na le atheraithisi, o dutše godimo kua mafelelong, o dumela go Mo-. . . yeo ke yona, kgaetšedi. Amene. O dumela ka pelo ya gago yohle? O a dumela atheraithisi yela e tla go tlogela? O a dira? Ge o be o na le bolwetši bja atheraithisi, šišinya seatla sa gago ka mokgwa wo gore batho ba tsebe. O be o dutše fale o dumela, gomme mosadi yola o tla ka tlotšo. Bjale, eya gae gomme o fole. Jesu Kriste o go fodišitše. O kgwathile eng?



Ga ke go tsebe. Re basetsebane seng sa rena. Yeo ke nnete, a o ka phagamiša diatla tša gago le nna?

270 Oo, ge batho. . . Ge le ka no dumela, se se tla diregago thwi bjale! Go tla ba tsošeletšo e phulegago ntle go Lebopo le la Bodikela ye e tla swielago go dikologa lefase. Ge le ka no lemoga se ke se lebeletšego! Ke—ke a holofela, ka kgonthe, ke—ke hweditše kgaogelo mahlong a lena pele ga Modimo. Ke le botša therešo, gomme Modimo o e hlatsetša go ba therešo. Se Modimo a dumago go se dira thwi fa ka kerekeng ye bošegong bjo! Se a kgahliša. Eupša ke—ke a fokola. Le a bona? E no lebelela go seatla sa ka. O bona mphufutšo wo? Woo e no ba. . . Ke ba bakae ba tsebago gore seo se a go fokodiša?

271 Mosadi yo motee o kgwathile seaparo sa Gagwe, O rile bokwala bo tšwele go Yena, gomme O be a le Morwa wa Modimo. Bjale, ke nna modiradibe yo a phološitšwego ka mogau. Daniele o bone pono e tee; e mo tshwentše hlogong ya gagwe matšatši a mantši. Le a bona? E no dumela.

272 Bjale, monna yo, bobedi re bolela gore re basetsebane seng sa rena, ga re tsebane seng. Eupša Modimo o a re tseba. Bjale, ge A ka kgona go nkutollela se sengwe ka wena, seo—seo o tsebago gore ga ke se tsebe, a go tla kgotsofatša gore o. . . ? A ka moka ga lena, le mothalo wa thapelo, mogohle, le tla dumela ka pelo ya lena yohle?

273 Beibele ye e robetše mo, gomme monna yo le nna re eme mo, ga se ra ke ra kopana pele ka bophelong, ka diatla tša rena godimo, ga se ra ke ra tsoge ra kopana pele. Bjale, Jesu o rile O bone menagano ya bona. Ke ba bakae ba tsebago seo? Ke ba bakae ba tsebago gore Beibele e rile, “Lentšu la Modimo le bogale go feta tšhoša ya magalemabedi. Gomme gape ke Mohlathi wa dikgopolo tša pelo, maikemišetšo le dikgopolo tša pelo le monagano.” A Beibele e bolela seo?

274 Lentšu la Modimo, gabotse, Lentšu la Modimo e be e le eng? Jesu. “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga rena.” Gomme mo Lentšu la dirwa go bonagala ka nameng ya rena. O Modimo! Ka nnete o ka se e foše, ka nnete, ka nnete. Dumela.

275 Mpho feela, mohlomphegi, go leka go iketla nnamong le go swara moya wa gago. Ka mkgwa wa go se tlwaelege ka mo go bonalago, ke bone ba rob-. . . batho ba robetše ba hwile. Finland, mafelo a mararo goba a mane a go fapana ke a bonego ka bophelong bja ka, gomme Modimo o tla dumelela moya wa ka go ntlogela bjalo go fihla o eya ntle ka nageng, le go swara moya wola, le go e tliša thwi morago gape go motho yoo. Ke therešo. Modimo ka Legodimong o a tseba ke therešo. Le a bona? Bjale, go beng gore go go wena, gomme o sa le ka tlase ga tokologo ya kgetho, o tla swanela go dira. Gomme ke be nka se kgone go dira

seo ntle le ge e be e le mo—mo molao wa Modimo o mpontšha pono.

Jesu o rile, “Ga ke dire selo ntle le ge Tate a Mpontšha.”

Ka gona o tla re, “A A ka kgona go go laetša gore ke gabotse, goba eng. . . ?”

<sup>276</sup> A ka kgona go ntaetša gore bothata bja gago ke eng, eupša o swanetše go amogela, tumelo ya gago. Nka se kgone go go phološa, le bile nka se kgone go go fodiša. E šetše e dirilwe. Eupša O fa bjale go bontšha gore Yena ke Modimo wa go swana yoo a ngwadilego Mantšu. Le a bona?

<sup>277</sup> Bjale. Ya, o babja kudu, go lokišetša, go ya sepetlele gosasa bakeng sa TB. Yeo ke nnete. O ntumela go ba moprofeeta wa Gagwe, goba, mohlanka wa Gagwe? O a dira? O a dumela o ka kgona. . . o ya go fola, le go tla gae bjale, o ya go ba gabotse? O a e dumela? Ge nka go botša o be o le mang, a seo se tla go thuša? Go lokile. Walter Kaiser, eya pele, gomme o e dumele ka pelo ya gago yohle. Yeo ke nnete. Dumela ka pelo ya gago yohle. E no ba—ba le tumelo.

<sup>278</sup> O dutše fao, mohlomphegi, o apere sutu ye tshihla, o bile le bothata ka maswafo a gago le wena. Ge o ka dumela. . . Ya. Le a bona? Ya, o bile le bothata bja leswafo. Ke hlokometše Seetša sela se phadima godimo ga gago, ka pela ge a fodišitšwe ka seo a bilego le sona fale. O be a na le bothata bja leswafo le yena bja mohuta wo mongwe. Bo ile ka godimo ga gago. Tumelo ya gago e bo fedišitše. Eya gae, o fole. Tumelo ya gago e go dira o thakgafale.

<sup>279</sup> O dutše thwi morago ka morago ga mosadi yo, yo mongwe a lebeletšego thwi go kgabola fa go nna gonabjale, o be a ne bothata bja leswafo. Ke kankere, le ka mongetsaneng gape. Dumela ka pelo ya gago yohle. Mohumagadi yo monnyane wa hlogo ye pududu, ge yeo e le therešo, phagamela godimo ga maoto a gago. Phagamela godimo ga maoto a gago. Ke nna mosetsebjwe wa go phethagala go wena. A yeo ke nnete, šišinya seatla sa gago. Seo ke se e bego e le bothata bja gago. Go lokile. Ke tšea maatlataolo. A le dumela se go ba therešo?

Gona Leineng la Jesu Kriste, ke ahlola diabololo yola.

Eya gomme o fole.

<sup>280</sup> O a dumela gore bothata bjoo bja pelo bo tla tloga gomme o tla dirwa go fola, gomme o tla ya gae, ka pelo ya gago yohle? Gona sepela, gomme o dumele ka pelo ya gago yohle, gomme o dirwe go fola.

<sup>281</sup> E tla. O nagana eng? A o a dumela gore asma e tla go tlogela, gomme o ya gae, wa tlogela go gohlola? Gona sepela, e dumele ka pelo ya gago yohle, gomme o dirwe go fola. Ge o se. . .

<sup>282</sup> E tla, kgaetšedi. O tšhogile eng? O bile go tšhoga nako ye telele. Go lokile. O fodile bjale, sepela o e dumele ka pelo ya gago

yohle gomme o dirwe go fola. Go lokile, mohlomphegi. Seo ke se se go thubago ntle.

<sup>283</sup> Go lokile, mohumagadi. Etna. A o dumela ka pelo ya gago yohle? Bothata bja gago bja mokokotlo bo fodile. Sepela, dumela ka pelo ya gago yohle, gomme o re, “Ke a Go leboga, Morena Jesu.”

Pelo ya go tšhoga, a o a dumela gore O a e fodiša? Sepela, gomme o re, “Ke a Go leboga, Morena” gomme o fole. E no ba le tumelo. Seo ke sohle o swanetšego go se dira.

<sup>284</sup> Lebelela mo, mohumagadi, go nna. A o ntumela go ba moprofeta wa Gagwe? Bothata bjoo bja mohumagadi o nago nabjo, bothata bja sesadi, yeo ke nnete, eya o fodišwe, Leineng la Jesu.

<sup>285</sup> Nakwana feela. Se sengwe se ile go batheeletši. Ee, monna a dutšego thwi morago mo, a sotlega ka bothata bja mokokotlo, a ntebeletšego thwi. A o a dumela, mohlomphegi? Go lokile. Amogela phodišo ya gago. Dirwa go fola, Leineng la Jesu Kriste. Eba le tumelo ka go Modimo.

<sup>286</sup> Mosadi yo a dutšego ka morago ga monna yo a nago le bolwetši bja swikiri. A o dumela ka pelo ya gago ka moka? Phagamela godimo, mohumagadi yo monnyane wa hlogo ye pududu a rwelego digalase. O kgwathile Sengwe, a ga se o? Phagamela godimo; dirwa go fola. Eya gae, gomme o dumele Morena Jesu Kriste. Eba le tumelo.

<sup>287</sup> Ge nka se bolele selo go wena, ka no bea diatla godimo ga gago, a o tla hwetša . . . ? o a tseba . . . ? lo a dumela woo ke Moya wo Mokgethwa? Etna fa, nke ke bee diatla go gago.

Gona, Leineng la Jesu Kriste, fola.

<sup>288</sup> Bjale, etla. Go no bontšha ka fao ba ka kgonago go e dira. Le a bona? O a tseba ke tseba se e lego phošo ka wena. Eupša ge ke sa bolele selo, a go tla loka, go bea diatla godimo ga gago? O a dumela? Ye ke tlotšo ya mohuta wo mongwe. Dumela, gomme bothata bja gago bja pelo bo a ya. O be a nnyaka, ke bolela seo, gampe kudu.

Go lokile, etla. Leineng la Morena Jesu Kriste, fola, gomme o ye gae, o fole. Eba le tumelo bjale, se belaele.

<sup>289</sup> Mohumagadi yo moswa, lebakana la go feta ge ke be ke rera, o be o dutše thwi morago kua o ntebeletše. O retologile go dikologa, o lebeletše mosadi; maikutlo ao a sego a tlwaelega ka kgonthe a ile godimo ga gago, ge o, ge ke be ke sa rera, ke bolela se sengwe ka ga Morena Jesu, gagolo ka letšatšing ge ke boletše ka Sodoma, ke bile le maikutlo a go se tlwaelege. O elelwa seo? Ke ge bothata bja gago bja sesadi bo fodišitšwe. Bjale, eya gae, o fole.

<sup>290</sup> A le dumela ka pelo ya lena yohle? “Bahlomphegi, re rata go bona Jesu.” A O a swana maabane, lehono, le go ya go ile?

Emišang diatla tša lena. Bjale, ke nyaka go le botšiša, ke ba bakae ba lena e lego badumedi? Šišinyang diatla tša lena ka mokgwa wo. Go lokile.

<sup>291</sup> Beibele e boletše se, “Maswao a a tla latela bona ba ba dumelago.” A le dumela seo? Ge, se, se A se boletšego, “Mediro yeo Ke e dirago le tla e dira le lena,” gona beang diatla tša lena go lena seng. O se ke wa ithapelela ka bowena; rapelela motho yo o nago le diatla tša gago godimo ga gagwe. Beang diatla tša lena go lena seng. “Maswao a a tla latela bona ba ba dumelago.”

<sup>292</sup> Godimo ka bophagamong godimo kua, monna yola a dutšego fale ka bothata bja prosteite, a dutšego godimo ka lehlakoreng la ngele, dumela ka pelo ya gago yohle, mohlomphegi. Yeo ke yona. Modimo o a go fodiša, o go dira o fole. Dumela. Beang diatla tša lena go lena seng gomme le rapelelane seng bjale.

<sup>293</sup> Tate wa rena wa Legodimong, bjale re tliša Sathane go makgaolakgang. Ke mofori, gomme o senotšwe bošegong bjo ke maatla le tsogo ya Jesu Kriste.

Sathane, o lahlegetšwe ke ntwā. Tšwela ka ntle ga batho ba. Tloga. Leineng la Jesu Kriste, tšwela ka ntle ga bona.


<sup>294</sup> Ke laela yo mongwe le yo mongwe wa lena yoo a dumelago go Jesu Kriste, le go tseba O boloka Lentšu la Gagwe, a dumelago gore woo ke Moya wa Gagwe fa bjale, ge o e dumela ka pelo ya gago yohle. . . Modumedi o bile le diatla tša gagwe di beilwe godimo ga gago, tšeo Beibele e rilego, Jesu o rile, “Maswao a a tla latela bona ba ba dumelago.” Ke Modimo wa go swana yo a lego mo a itira Yenamong go tsebja gore Ke Mesia wa lena wa Pentecostal.

<sup>295</sup> Yo mongwe le yo mongwe wa lena yoo a tla Mo amogelago bjale bjalo ka Mofodiši wa lena, ga go kgathale moo o lego, emelela ka maoto a gago gomme o Mo amogege bjalo ka Mofodiši wa gago. Ke e kwalakwatša e fodile Leineng la Jesu Kriste. Phagamišetša diatla tša gago go Yena bjale gomme o Mo tumiše. Amene.

*Ke Tla Mo Tumiša. Ke Tla Mo Tumiša.*

Nno Mo tumišang.

. . . Ke tla Mo tumiša,  
Tumišang Kwana go bolaelwa badiradibe;  
Oo, Mo feng letago lena batho bohle,

Modimo a le šegofatše. 

61-0208 Bahlomphegi, Re Rata Go Bona Jesu  
First Assembly Of God Of Long Beach  
Long Beach, California U.S.A.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)